

HYPOTHESIS *2k*
PHYSICA
NOVA,

Qua Phænomenorum
Naturæ plerorumque causæ
ab unico quodam universali
motu, in globo nostro suppo-
sito, neque Tychonicis, neque
Copernicanis aspernando,
repetuntur.

Nec non
THEORIA MOTUS
ABSTRACTI.

AUTORE G.G.L.L. *K*

LONDINI,
Impensis *J. Martyn*, Regiæ Societatis
Typographi, ad insigne Campanæ in Cœ-
meterio Divi Pauli, M. DC. LXXI.

29



Prior Dicata

REGIÆ SOCIETATI
BRITANNICÆ
Cognitionis Humanae
Locupletatrici.

Posterior

REGIÆ ACADEMIÆ
GALLICÆ.

REGIÆ SOCIETATI BRITANNICÆ

Cognitionis Humanae Locupletatrici.

Nisi compertum haberem, malle Vos ex variis orbis partibus, nova industriæ in cogitatis experimentisque, quàm eloquentiæ in re amplissima, & tot aliis dicta, id est, laudibus Vestris, quibus audiendis prius, quàm merendis fessi estis, tentamenta ad Vos transmitti; non posset hoc pietatis officium, quod omne Vobis literarium nomen debet, debeatque, sine piaculo prætermitti: Nunc quod mavultis accipite. Intellexeram ex *Oldenburgio* Vestro, viro eximio, conjecturas quasdam meas, de faciliore ac simpliciore aliqua, quàm passim tradi solet, causarum naturalium explicandarum Hypothesi, Vobis fortasse non ingratas fore. Hanc ergo spem secutus sistere hoc quicquid est, & vobis dicare volui, non ut rem aliquo pretio censendam, sed ut Canonem quendam, quem utcumque exiguum, significandæ recognitioni, quam maximis Vestris de publico meritis omnes debent, sufficere *ICTis* nostris placet.

[*Theoria*

Theoria Motus Concreti:
Seu,
Hypothesis de Rationibus
Phænomenorum nostri
Orbis.

1. **S**upponantur initio *Globus Solaris, Globus terrestris*, & spatium intermedium, massa, quod ad Hypothesin nostram attinet, quiescente, quam *ætherem* vocabimus, quantum satis est (omnimodam enim plenitudinem Mundi status, quem sentimus, per alibi demonstrata, non fert) plenum.

2. Necessè est igitur esse quendam *motum* ante omnia tum in *globo solari*, tum in *globo terrestri*. Cum enim globi isti duo habere debeant partes coherentes, ne ad quemlibet levissimum rei quantulæcunque impactum dissolvantur aut perforentur, nulla autem sit cohesio quiescentis (per dicta in abstracta motus Theoria th. 20. quam suo loco dabimus) motus in iis aliquis supponendus est: Quæ fortasse unica ac prima demonstratio est necessarii *motus terre*. Quanquam ut §. quoque 35. infra admonebitur, ad summam Hypotheseos nostræ nihil referat, an circulatio terræ admittatur, cum Circulatio Lucis seu

ætheris circa terram, quâ potissimum utimur, vid. §. 9. facile se omnibus approbare, ni fallor, possit.

3. Supponamus igitur, si placet, tum in globo solis tum in globo terræ motum *circa proprium centrum*, nam alios eidem ætheri interspersos magnos parvosque globos circa suum centrum motos, in quibus eadem, quæ in terrâ nostra, fieri præportione possunt, id est, non planetas tantum quos videmus, sed & innumerabiles quosdam velut *mundulos* parvos, quos non videmus, nunc non consideramus.

4. Sed *in sole* simul & alius *motus* supponendus est, quo agat *extra se*, unde causa in mundo *motus in se non redeuntis* derivetur: motus enim *circa proprium Centrum* extra se non agit: nam quod præclari Viri Torricellius & Hobbius statuere, sola solis gyratione circa proprium Centrum totum ætherem cum planetis circa solem ferri, fermentare, lucem efficere, imò rem ita motam projicere sibi imposita per tangentem, tenuiora magis, crassiora minus; unde cum similis sit & in terra motus, sequatur, crassiora in tenuium rejectorum locum succedere, ac proindè gravia esse; admittere non possum: sequetur enim ut lapis ad terram, ita terram cæterosque planetas ad solem tendere; nec dici potest distantiam minui efficaciam, cum contra in hac hypothese, ob majorem majoris radii circum augeatur. Nequè hic ad experientiam
pro-

provocare licet liquidi quiescentis sola solidi in ipso circa proprium centrum gyratione commoti, ut baculi in vase motus circa suum centrum aquam totam commovet; cum ostensum sit in abstracta motus Theoriâ, pleraque repercussionum phænomena non oriri ex liquidis motus notionibus, sed habere longè alias ab oeconomia & motu systematis insensibili causas, quemadmodum gravitas, attractio, flexorum restitutio, aliaque id genus: speciatim verò baculus aquam ideò secum commovet, quia ea ei gravitate sua atque intestino motu innititur; quod de æthere dici non potest, in quo alia præter solem causa motus nulla esse supponitur: cum liquida nostra jam tum, etiam remoto baculo, sint in perpetuo motu. Ut taceam gyrationes circa proprium centrum, quas nos instituere solemus, plerumque valde vacillare. Ut igitur sol radiare seu agere in omnes partes possit, necesse est quendam in ejus partibus motum esse, a motu totius circa proprium centrum distinctum. Et concessis cum Copernico pluribus *Orbibus magnis* eadem aut proportionalis sui solis cuique ratio erit.

5. *Is motus partium solis* (seu rei cujuslibet radiantis) non potest recta extrorsum tendere alioquin dudum omnes avolassent; *supponendus est ergo motus partium præter gyrationem totius, variè circularis*, aut alioquin in se rediens, ex quarum concursu, quoties bisecabilis est, quædam per rectam lineam

extrorsum expellantur per *problem. 7. Theoria motus abstracti*. Et tot quidem ut non possit dari punctum sensibile circa solem ad tellurem usque & ultra, ad quod non quolibet instanti sensibili radius aliquis solis, id est, ætheris agitatio per emissam à sole recta linea partem, (& si non pars ipsa) perveniat. Quæ res ob divisibilitatem cujuslibet continui in partes quantumvis parvas in infinitum non est difficilis explicatu. Cæterum ex his ut obitur admoneam, necessario demonstrari potest, *impossibile esse, ut sol luxerit ab æterno, nisi sit unde perpetuò reparetur.*

6. Hi jam lucis radii agent in globum terrestrem. Supponatur autem globus terrestris initio fuisse totus homogeneus, atque ita neque tam rarus, ut aer est, neque tam crassus, ut terra est, sed ut *scriptura quoque sacra innuit*, naturæ ad aquam accedentis. Idque nec Helmontius abnuerit, qui aquam ponit principium rerum, ac terram aquæ sedimentum facit.

7. Hic globi status *radius solis* (& ante solem lucis primigeniæ post in solem collectæ, ad hypothesein enim nostram perinde est) ingruentibus, mirifice mutabitur: cum enim per abstractam motus doctrinam *ib. 19.* nulla sit corporis cohesio eodem tempore in tota facie; *globus terræ pulsatus*, ubi non coheret, *dehiscet*, ætheremque admittet: nam in statu naturali, qualis supponitur primus, seu in abstracto, nullâ est globi rotantis homogenei cohesio.

cohesio ; nisi in lineis æquatori parallelis. Igitur omnes paralleli sensibiles, eorumque concentrici abire poterunt a se invicem, & luce plerisque ingruente, dehiscunt. Porro tot ~~istibus~~ pleraque, centrorsum ibunt, *major materia pars in fundum collecta terram dabit, aqua supernabit, aer emicabit : Intrusus ÆTHER.* (Is enim fortasse est ille *Spiritus Domini*, qui super aquis ferebatur, easque digerebat, ex eis ventilatione sua crassiora præcipitabat, tenuiora sublimabat, cujusque ablatione omnia in pulverem inertem, incoherentem, mortuum rediguntur) & intus omnia pervadet, passimque *in bullas intercipitur*, ex conatu erumpentis, irrumpentisq; recto, & motum intercipientis circulari velut fusione conflatas ; & de cætero summum, ut antè, maximo sui velut oceano, tenebit. Hæc non ita capienda sunt quasi re ipsa sic ortum globum nostrum esse necesse sit, quanquam cum scripturæ sacræ traditis mirifice consentiant ; sed sufficit quam causam initii fingi, eam continuationis (velut perpetui initii) intelligi posse ; & proinde hypothesin originis, saltem in causis præsentibus percipiendis, imaginationis adjumentum esse.

8 Cæterum similem aliorum globorum (præsertim cum quilibet magnus Orbis suum solem habere videatur) originem non est hujus loci delarare ; pertinent talia ad doctrinam de *systemate mundi* ; quemadmodum id quoque, quæ ratione ex *rotatione solis*.

circa proprium centrum concurrente ejus actione recti-linea in terram, oritur motus terrae circa solem; & ex motu terrae circa proprium centrum, concurrente ejus lucem solarem reflectentis actione recti-linea in lunam, motus lunae circa terram; quæ de cæteris planetis eadem probabilitate dicere licet: nam & Torricellio dudum visum est, motus globorum à se invicem derivari. Comæ a sive meteora sint, id est corpora transitoria, sive globi constantes (quorum utrum verius, experimentis recursus judicandum) poterit tamen fortè ex cæterorum globorum in eos actione explicari motus: Lux autem illa caudata soli averfa penè scyphi vitrei liquore pleni exemplo declarationem recipit.

9. *Terra verò nostra, ut ad hanc redeamus; etsi radiis lucis dehiscens in partes heterogeneas abierit, ubique tamen subtilissimo æthere penetretur. Is æther proportionatam sibi subtilitate partium radiorum lucis actionem potissimum recipit. Cum igitur terra agatur circa proprium centrum ab occidente versus orientem ex hypothesi; subtilissimus æther terram circumdans contrario motu non tantum retardationis, sed & obnitentiæ, Lucem secutus movebitur ab oriente Versus occidentem, cujus etiam in Oceano vestigia deprehenduntur.*

10. *Atque hic est ille universalis motus in globo nostro Terr.-aqua-aereo, à quo potius, quàm atomorum figuris, aut ramentorum*

ac vorticum varietatibus, *res sunt repelendæ.*

11. Principio autem ex fluidi æstuatione & fusione per lucem seu calorem, ortæ sunt *bullæ* innumerabiles ac magnitudine crassitieque variantes. Nam quoties subtilia percurrere per densa conantur, & est quod obstat, formantur densa in cavas quasdam bullas, mortuumque partium internum, ac proinde consistentiam seu cohesionem (per nostram de motu Theoriam Theor. 17.) nanciscuntur. Quod ex primis illis abstractisque principiis speciatim deducere proclive est. Idem ex officinis vitrariis constat, ubi ex motu ignis circulari & spiritus recto, vitra, simplicissimum artificialium genus, parantur; similiter ex motu terræ circulari, lucis recto, natæ sunt *bullæ*.

12. Hæ jam *bullæ* sunt *seminarum*, stamina specierum, receptacula ætheris, corporum basis, consistentiæ causa & fundamentum tantæ varietatis, quantam in rebus, tanti impetus, quantum in motibus admiramur: Hæ si abessent, omnia forent arena sine calce, avolaretque gyratione densorum expulsus æther, ac terram nostram mortuam damnatamque relinqueret. Contra à bullis, gyratione circa proprium centrum firmatis, omnia solidantur & continentur. Quæ ratio est etiam, quod *fornicata*, ea, quam admiramur, *f. mitate polleant*, cur vitra rotunda in experimentis Elasticis subsistant, alterius figuræ dirumpantur.

13. Et sane qui rem accurate intuebitur, nihil verius comperiet. Tota *aqua* innumera-
 bilium *bullarum* congeries, *aër* nil nisi *aqua*
subtilis est: aerem enim in eo ab *aethere* di-
 stinguo, quod aer est gravis, *aether* circula-
 tione sua causa gravitatis. Unde aer, & quid-
 quid in eo natat, ut nubes, ut projecta, gy-
 rantur cum terrâ uti *aqua* cum vase; mare eti-
 am litoribus non clausum uti *oceanus* qui ter-
 ram includit potius, quam ut ei includatur,
 cum fundo. Quanquam, ut dixi, non desit re-
 tardatio aliqua, seu motus in contrariam par-
 tem, ex quo, accedente fortissima *Oceani* sub
Tropicis commotione, rarefactione, attracti-
 one, per lucem solarem, quam contra motum
 terræ, facilius quam terra, quia levior, sequi-
 tur; repetita item aliquoties quotidie (nam
aqua semel allisu dispersa spatio ut se in cu-
 mulum recolligat, indiget) *Oceani* in littus
Americæ nobis citimum illisione aliisque
 particularibus illisionibus & absorptioni-
 bus: tum *Luna* aerem cum plena luce micat,
 sub se rarefactione levio-rem ac minus pre-
 mentem, aquam ergo sub se intumescen-
 tem reddente; & contra, cum nova est, aerem
 sub se tenebris densiorem & magis premen-
 tem, aquam ergo versus littora intumescen-
 tem faciente: denique in æquinoctiis directa
 oppositione motus lucis seu *aetheris* ad mo-
 tum terræ (nam tunc fons lucis seu motus so-
 lis opticus est in æquatore) omnia à motu *a-*
aetheris pendentia acuate: his, inquam, con-
 currentibus

currentibus causis, æstus quotidiani, in noviluniis ac pleniluniis (eodem contrariarum causarum effectu) maximè verò æquinoctiis, aucti, currentium universalium & particularium, denique ventorum statorum, cæterorumque aq; aerisque motuum ordinariorum phænomena non difficulter deducuntur: *Ignem* hic non numero, nam *flamma* est tantum exhalatio ignita, *scintilla* fuligo ignita, ignis ipse nil nisi ætheris aerisque erumpentis & dispersi collectio.

14. At quid de *Terra*? Non est dubitandum totam ex *bullis* constare, nam *basis terra Vitrum* est, Vitrum bulla densa. Et constat fluxione, id est, æstuatione ab æthere collecto, seu igne se rebus insinuante commota, postremum esse exitu, primum sine ac natura rei, vitrificationem. Quid mirum igitur, globo terrestri ab actione lucis transformato ac fluente, densa seu terrestria in vitrum, aquam aeremque in tenuiores bullas abiisse? neque tunc, ut in homogeneo, nondum firmatis rebus, ea, quæ nunc, contra torrentem constituti systematis, in mutando, vi opus erat. Cum in statu libero seu naturali, quantacunque à quantuliscunque facile moveantur; in statu præsentis systematico, atque, ut sic dicam, civili, non nisi proportionata ad sensum à proportionatis.

15. Porro has bullas, hæc *vitra variè inserta*, figurata, glomerata esse facile cogitatum est, ad tantum rerum apparatus producendum, de quo mox in origine specierum,
nunc

nunc totius systematis affectionem id est *gravitatem* præoccupemus : ac meritò quidem, cum gravitas plerorumque in globo nostro extraordinariorum motuum causa, aut certè clavis sit, eorum etiam qui in speciebus privatim exeruntur, & danda sit Physico opera, ut ad mechanicas rationes, quippe simplicissimas, quoad ejus fieri potest, omnia reducantur.

16. *Gravitas* oritur ex *circulatione ætheris* circa terram, in terra, per terram, de cujus causa supra §. 9. & 10. Is porrò maximè aquam & aerem penetrat, quippè porosiores. Unde terra in aquâ, nisi cum plus ætheris superficialiarii continet quàm ipsa aqua, aqua in aere descendit.

17. Nimirum quidquid ab Homogeneo divulsum est (nam conjuncta ob gravitationem insensibilem in omnes partes mutuo se tollentem sensibilibiter non gravitant) positumque in loco plus ætheris, minus terræ habente, jam circulationem ætheris impedit, & turbat, & quantò magis elevatur, tantò turbat magis : quia totus æther circumterraneus, per se homogeneus est, instar oceani aut aeris, variis rivis, sinubus, lacubus, fretis, Euripis, omnia percurrrens. Omne autem heterogeneum circulationem homogenei liquidi turbat, quia etsi pars una partem liquidi abripientem sequi conetur, altera tamen ob diversam consistentiæ seu divisibilitatis rationem sequi non potest. Quæ etiam ratio est,

est, cur in liquoribus soluta paulatim deji-
antur emicentque in Cristallos; & cur con-
clusa & digesta paulatim fermentent, add.
infr. §. 59.

18. Hæc jam ratio est, cur & aer & aqua, &
terra in æthere gravitent: nam circulatione
ejus dejiuntur. Cum enim turbent circula-
tionem, expellentur; non sursum, nam eò ma-
gis turbabunt (quia superficies sphericæ
crescunt in duplicata ratione diametrorum,
non in eadem cum diametris ratione; ac pro-
inde sectionum quoq; in idem corpus agentium
inæqualitas major evenit) ergò deorsum;
id est, descendunt. Hinc porro *incrementum*
impetus ob novam ubique *inter descendendum* in
qualibet ætheris liberi, aut liberioris, quam
rei illius ratio fert, parte impressionem; hinc
cætera *mechanica ac statica phænomena* commu-
ni more modoque deducuntur.

19. Potentiæ enim duo sunt Augmenta
mechanica: *impetus à lapsu*, & *distantia à*
lineâ directionis. Tertium est physicum, quod
soleo *Nisum* vocare, qualis est à motu muscu-
lorum, de quo infra §. 55. Distantia autem
à linea directionis auget potentiam, quia ex
nostra de motu Theoria theor. 24. Omnis po-
tentia in corporibus pendet à celeritate, cum
res quantacunque continua moveri possit, à
quantulâcunque elarius mota; jam in om-
nibus machinis fundamentalibus, veste
seu statera, cuneo, (quatenus in cuneo
non concurrit vis elastica, de quo alias)
axe

axe in peritrochio, cochlea; trochlea; compertum est, semper in æquibrantibus tanto celerius ascendere pondus, quam descendit onus, & contra, quanto onus est pondere majus; eamque esse linearum eodem tempore confectarum rationem, quæ est ratio distantiarum à Lineâ directionis.

20. Supersunt tamen *nonnulla* etiam in motibus vulgaribus *phenomena*, prima specie contemnenda, at solutu difficilia, si acutius introspicias. Exempli gratia, cur dura duris impacta resiliant, cur quædam flexa se tanta vi restituant, cur si ingeniosissimorum virorum Hugonii Wrennique experimenta universalia sunt, corpus impactum quiescenti, quasi permutatione facta, ipsum in ejus loco consistat, motum verò suum in alterum transferat; par est ratio de Concurrentibus duobus. Talia enim & multa alia id genus, *abstractis motuum rationibus nisi globi nostri æconomia accedat, consentanea non sunt.*

21. Cujus rei specimen in reflexione ac Refractione haberi satis illustre potest. In ore omnium est, *angulum incidentiæ & Reflexionis esse æquales*, & favent utique experimenta tum phoronomica, tum optica; blanditur ipsa theorematis compendiosa & bella speciositas, quæ maximis etiam Viris imposuit, persuasitque posse propositionem universaliter, ex abstractâ motus naturâ demonstrari.

strari. Credidi ego quoque, donec seria ac
severa inquisitione adhibita omnem operam
ludi animadverti. Examinaui demonstra-
tiones Digbzi, Cartesii, Hobbii (at quan-
torum Virorum ?) deprehendique plus va-
luisse dulcedinem sententiæ, quam rigorem
demonstrationis. Interea tamen negari non
potest, sensu satis firmari, ac proinde inter
observationes potius, quam theorematum re-
ferendam propositionem. Ratio igitur hu-
jus constantiæ, si non ex Theoria motus
abstracti, saltem ex Hypothesi motus con-
creti, seu Oeconomia rerum præsentis red-
denda est. Intererat mundi rem sic institui:
Nam si absque hac reflexionis lege esset, vi-
sus auditusquæ existere non possent. Cre-
dibile est nonnunquam hanc angulorum æ-
qualitatem inde oriri, quòd etsi appareat, non
est tamen rectus impingentium motus; in
alteram igitur partem circulum vel ellipsin
continuant, ac proinde evenit, ut Angulus re-
flexionis & incidentiæ sint æquales, quia uter-
que est angulus contactus unius ejusdemque
arcus ab utroque latere, *Vide theor. mot. ab-
stract. th. 8.9.* Porro si perpendicularis sit ad
sensum, impactus, ita acutè sibi junguntur
duo arcus, impactus & repercussionis, ut ea-
dem linea ad sensum esse videatur. Quod
nullis experimentis refutari potest, quia ple-
rique motus, qui recti apparent, reapse curvi
sunt, sed ita insensibiliter ut omnia phænomena
perinde eveniant, ac si revera recti es-
sent,

sent. Sed est adhuc alia ratio frequentior, & oeconomiz rerum congruentior, æqualitatem anguli incidentiæ, & reflexionis universaliter explicandi. Nimirum quod passim de omnibus corporibus absolute assumitur, aliud sibi impingens repercutere, aut refringere, id quidem non nisi de Elasticis, seu post compressionem vel dilatationem se restituentibus verum est. Sed admirando Creatoris sive artificio, sive ad vitam necessario beneficio, omnia corpora sensibilia ob ætheris circulationem per *hypothesein nostram* sunt Elastica; igitur omnia corpora sensibilia reflectunt aut refringunt. Nullum verò corpus per se consideratum, nisi perpetua ætheris ventilatione animaretur, reflecteret, vel refringeret, saltem his quæ vulgo feruntur legibus. Nam si corpus motum impingat in quiescens, totum perforabit sine ullâ refractione, etsi impingens arenacei grani magnitudine, recipiens mille leucarum crassitie esset; sin & recipiens moveatur, & ictus in centrum motus dirigatur, idque in eadem linea; fortior vincet tardiozem, aut si æquales sunt, sequetur quies: sin impactus sit eccentricus, retento priori motui accedet novus circa proprium centrum. Si in diversis lineis concurrant, seu angulum faciant motu æquaveloce, movebuntur ambo linea angulum bisecante, aut, si non est bisecabilis, quiescent, quæ omnia demonstrare ad abstractâ motus Theoriâ pertinet. At corporum sensibilium alia planè facies:

facies : omnia enim *dura* sunt motu quodam
 intestino in se redeunte ; omnia *discontinua*
 sunt, undè cæteris paribus plus efficit moles ;
 omnia *Elastica* sunt, seu compressa, ac mox si-
 bi relicta, ab ætheris gyratione in statum pri-
 orem restituuntur. Quas leges motus apparen-
 tis qui confundit cum regulis veri, ei similis
 est, qui quantum ad demonstrationes inter
 mechanica & geometrica nihil interesse cre-
 dit : & tamen hætenus à nullo eorum, qui de
 motu philosophati sunt, res tanti ad solidas de
 Deo ac mente demonstrationes obtinendas
 momenti (nequis laboriosam de primis istis
 abstractisque motus legibus inquisitionem
 fructu carere putet) satis, quod sciam, est ob-
 servata. Restat demonstremus supposito sen-
 sibilium Elatere, leges *reflexionis* ac *refracti-*
onis consequi. Ac quod reflexionem attinet,
 si corpus durum, seu se restituens, impingat in
 aliud durum, quod penetrare nequeat, com-
 primet tamen secundum lineam, quâ incidit
 in ipsum corpus recipiens continuatam : cor-
 pus verò recipiens statim reaget ea linea,
 quâ optimè potest : potest autem in im-
 pactu perpendiculari non alia, quam quâ
 impactus factus est, ac proinde corpus im-
 pingens redibit via qua venit ; at in impactu
 obliquo reaget ab ea plaga, in qua res ei
 adhuc integra, seu in quam compressio fa-
 cta non est, in quam proinde etiam cætera
 compressa se recipere conantur, id est linea
 opposita ad lineam impactus, seu cum ea di-
 varicationem

varicationem faciente ; eodem igitur ad superficiem angulo, in alteram plagam. Quæ reactio tanto est fortior, quanto impactus fuit velocior cæteris paribus (nam tanta est celeritas restituentis, quanta comprimentis) item quanto impingens recipiensque est durius ; (quia tanto violentior vibratio, velut arcus subito dimissi) &, si utrumque est durum, non tantum impingens repellitur à recipiente, sed & à se ipso ; veluti nos pedibus tellure repulsa saltum facimus : concurrente igitur utriusque tam forti, atque aliquoties reciprocata chordarum instar pulsarum vibratione, aerem etiam inter utrumque corpus interceptum, non minus quam cuique corpori intestinum, comprimente ac rursus discutiente, sonum tam fortem, tam varium ; denique omnibus ab ætheris gyratione quantum licet in priorem statum restitutis, reflexionem tam vehementem sequi, mirum non est : ut sperem adeò physicam reflexionis rationem, nunc demum redditam esse. Delineationem res meretur, sed ab hoc schediasmate alienam, suo tempore non defuturam. *Refractio* mixta quædam Reflexionis penetratio est : unde partim transmissio, partim deflexio ; & tantum accedit deceditque obliquitati, quantum medii resistantiæ seu densitati. Cujus rei hæc ratio est, quia Corporum sensibilibus solus prope modum æther revera per se movetur, estque motus *πρώτος δυνάμει*, cætera per ipsum.

Hinc

Hinc fit, ut nullum impedimentum motui obijci possit, quin propagetur, ætheri enim omnes pori pervii sunt, & fatigatus novis semper supplementis animatur. Hinc item fit ut etsi per abstractam motus Theoriam reactio omnis detrahat à celeritate, tamen contra in corporibus sensibilibus salva celeritate (nisi quatenus plerumq; in plura se dispergens fit insensibilior) detrahat à plaga seu determinatione, quæ est *Lex refractionis*. Abibo hinc, cum unum addidero, etiam sensu constare, vesicam inflatam pavimento impactam Elatere quodam aeris impactu compressi, ac se restituere conantis, tam altè exilire. Quid credere ergo vetat, & cætera dura, duris impacta, quippe aere ubique constipato inclusoque, & impactu compresso, plena, celerrima fortissimaque chordarum instar sonantium reciprocatione (etiam aliquamdiu nonnunquam durante, unde soni vibrationumque in campanis pulsatis aliquandiutina duratio) efficere repercussionem? Quod & ad cætera motuum & concursuum Phænomena transferri, ac multa cum luce rebus applicari potest.

22. Hugonii Wrennique phænomena, si comperta sunt, causam eorum ex dictis reddere, difficile non est. Quia nimirum in hoc globi nostri statu res percussæ aut projectæ magis aeris ætherisque, quam suo impetu abripiuntur, uti res in aquâ natantes aut jacentes aqua commota abripit: Idque vel ea ratione patet, quod ex abstractis motus
ratio-

rationibus, nihil se ipsum in lineam priorem restituit, etiam sublato impedimento, quia nullus conatus sine motu durat ultra momentum; at percussa & in plano impulsa, cum in motu monticulum offendunt, obliquant cursum, quasi arte quâdam, & sublato impedimento resumunt, quia scilicet impedimentum corpori tantum, non aeri ætherive objectum fuit, atque uno evanescente, alius succedit: quemadmodum igitur duo lumina ob raritatem inconfusa se penetrant, ita duo illi ætheres corporum concurrentium sua corpora deferunt, & in altera mutuò transferuntur. Unde illa motuum plagarumque post concursum permutatio. Eadem est *Causa Vibrationis pendulorum* toties repetitæ, & paulatim evanescentis, quod ætheris impellentis, particulari condensatione & dilatione collecti, & se restituentis impetus etiam ultra gravitatis suæ conatum rem correptam effert, atque ita delapsam rursus in alterum latus attollit, ac mox dispersus & evanescens denuò ab alio æthere minus jam *Elastico* dejici finit, quæ res ad quietem usque reciprocatur ut proinde pendulorum chordarumque vibrantium eadem causa sit. Hinc & *Isochronismi vibrationum* ratio redditur, nam quanto altior lapsus, tantò fortior; ergo tanto major compressio; ergo cum altitudine minuitur compressio; compressio autem est causa restitutionis, restitutio celeritatis relabendi. Altitudo ergò & celeritas, seu vis & spatium simul minuuntur.

tur. Jam si tanto minus est spatium spatiorum, quanto minor vis vi seu celeritas celeritate, motus erit isochronus, seu eodem tempore absolvetur. Idem igitur æther ex re in quiescentem vel occurrentem *impingente*, transfertur in quiescentem vel occurrentem & deserit impingentem, unde illa divaricatio, seu *permutatio viarum & celeritatum* Hugeniowrenniana, de qua pluribus exemplo lucis in Theor. mot. problem. 11. quæ si duplex sit, suos quæque radios per idem foramen, eodem tempore inconfasos mittit. Porro ex dictis intelligi potest, *cur motus violentus initio & fine sit debilis, in medio fortis*, seu cur aliquamdiu crescat, mox rursus decrescat. Pone lapidem aut glandem plumbeam à me vel pulvere pyrio projici; initio crescet celeritas quia qui motus projecto est violentus, projecti est naturalis, muscoli enim mei instar arcus tensi relaxantur & se magna vi in statum naturalem restituunt: par est pulveris pyrii ratio, cujus compressa substantia ostio ab igne aperto erumpit. Jam motus naturalis rei se restituentis continuo crescit, idem ergo motus se continuè accelerans projecto imprimatur, quem id tamdiu exercet, quamdiu ad superandum aerem satis forte est, at ubi aer se recollegit, & reagere ac restituere se inceptit, motus iste restitutionis in aere est similiter naturalis & *acceleratus*, ac proinde decrementum impetus projecti cum incremento reagentis acceleratur: cæterum, ut pergamus, habet

habet & hoc difficultatem, si abstractas motuum rationes intuearis, quod experientiâ docente, *res major præponderat minori*, & longè fortior est impetus à re magna, quàm parva; cum tamen in libero naturæ statu in contiguis nihil referat ad motum quanta sit longitudo, in continuis per *Theor. mot. 23, 24.* ne hoc quidem quanta sit crassities aut latitudo. Sed sciendum est Corpora sensibilia continua & contigua, videri potius, quàm esse: unde cum pars majoris prima impetum adversarii minoris suamet interneccione fregit, altera *discontinua*, etiam à novi aeris ætherisque allapsu animata, recentibus viribus superveniens, facile vincit. At in continuis omnium partium impetus simul consumitur. Unde *beneficio divisionis* res non contemnenda in mechanicis geri possunt, quod me usu ipso aliquando demonstraturum confido.

23. Ex gravitate porro per accidens sequitur *levitas minus gravium*, totaque doctrina Hydrostatica ab Archimede primum constituta. Cur lignum levius aqua? quia in ligno plus ætheris quàm terræ. At cur ideo lignum in aqua ascendit, aqua minor in majore, etsi ipsa levior, non ascendit? quia *aqua etsi gravitet in aqua, tamen ob contrariam in quolibet puncto sensibili à qualibet & in quamlibet rectam curvamque lineam in liquidis gravitationem cylindrorum imaginariorum innumerabilibus modis assignabili-*
lium,

lium, *mutuo tollitur gravitatio, & disponitur liquidum paralleliter ad horizontem.* Ergò heterogeneousum in aquam delatum, cum tantum aquæ attollat, quantum spatii capit, faciet cylindrum, in quo est, aliis pondere inæqualem, & proinde subsidet, si ea gravius est, sin levius, attolletur. Similiter si quid detur aere vicino levius, in aere attolletur usque dum ad regionem aeris altiore & subtiliorem, & proinde se levio rem pervenerit, ubi pende bit: quæ etiam ratio est cur nubes in aere pendeant, & fumus ascendat. Si quid ergò arte humanâ parari queat aere levius, spes est perveniri ad *artem volandi* posse. Parabitur acutissimi Lanæ, tum & Vossii sententiâ, si detur vas concavum tam grande, ut aer intus conclusus, continenti, seu vasi per se sumpto, præponderet: Aere igitur noto jam artificio, exhausto, & hermetice sigillato vase (pone vitrum esse) erit totum vas aere æqualis spatii levius. Jam quicquid liquido æqualis spatii levius est, in eo ascendit: ascendet ergò datum vas in aere. Et ut rem ad calculos vocemus (Lanæ enim minores sunt) esto bulla vitrea tam exigua, ut aqua contenta & Vitrum continens circiter æqui ponderent; hujus semidiametrum, velut mensuram magnitudinis appellemus (a) pondus sive Vitri, sive aquæ, quod per Hypothesin, idem est, velut mensuram ponderis destinati, appellemus (b) Denique ex doctissimi Boylii & aliorum observationibus

supponamus, aerem esse aqua millies leviorē. Jam esto bulla vitrea vitro æquē crasso constans millies major priore, seu cujus semidiameter sit 1000. *a.* erit superficies sphaerica, seu Vitrum continens in duplicata ratione radii majus Vitro bullæ mensurantis, ac proinde ponderabit 1000. 000. *b.* Et aqua bullæ hujus erit in triplicata ratione radii major aqua bullæ mensurantis, ac proinde ponderabit 1000, 000, 000. *b.* Ergo si bulla hæc non sit aqua, sed aere plena, cum aer sit millies levior aqua ex hypothese; ponderabit tantum 1000, 000. *b.* Et proinde æquiponderabit vitro bullæ. Exhausta jam bulla aere quantum possibile est, tantum circiter ponderabit, quantum aer paris spatii. Et si sumatur bulla radii 1500. *a.* & exhauriatur, notabiliter erit levior, quam aer paris spatii, & proinde in eo ascendet. Si major sit proportio aeris ad aquam, tanto major fiat bulla. Sed an bullæ tantæ magnitudinis commodè fieri, & penitus, & sine rupturâ exhauriri, & durare possint, ego in me non susceperim.

25. Inter species igitur gravitatis est & *aerostatica*, ex qua dependet totus ille *siphonium, autliarum, baroscopiorum apparatus*, & si Elater accedat, de quo mox. § 27. quicquid stupendi aere compressio exhaustoque patratum. Nimirum gravia in suspenso manent, gravia sursum attolluntur, non metu Vacui,

Vacui, alioquin possent attolli in infinitum, quod experientia refutat, sed quousque nondum habetur æquilibrium Cylindri aerei totius atmosphæræ. Nam aqua in antlia non sequente, sequetur cylindrum aereum pistillo antliæ latitudine æqualem, vel comprimi, vel eo usque attolli debere, in liquidum ætherem ex sphæra sua, quanta est Antliæ longitudo. Quia tantum spatii in antlia, aere (etsi subeat subtilissimus æther) vacuum aut certè valde exhaustum relinquitur. Par est Baroscopii ratio.

26. *At unde tantâ vi aer exhaustas in vasa irrumpit?* Quæro eodem modo si in media aqua vas clausum statuas, mox vasto foramine aperies, cur irrumpet aqua? nisu propriæ gravitatis. Ergò eodem & aer. Aqua tamen tardius, & non sine resistantia irrumpit, quia aer ei expellendus est, cui difficilis exitus patet. At aer irrumpens in locum se vacuum, æthere vi illuc intruso plenum, non tantum non impeditur ab æthere, sed & iuvatur, quia æther præter morem suum illuc collectus in lacum, in circulatione sua impeditur, & exire, etsi pori pateant, non potest, nam etsi vacuum detur, magnum tamen vacuum non detur: Locus igitur ei ab aere desertus, replendus est. Concurrent ergò GRAVITAS Cylindri aerei, & ELATER, seu vis ætheris se in debitam sibi circulationem dispergentis.

27. Par est ratio *de aere compresso & collecto* ut sclopetis pneumaticis onerandis contingit, nam ea res non potest explicari *gravitate* aeris, est igitur explicanda *Elatere*, seu explicandi sese appetitu. Is explicandi se conatus non est ab aere, sed ab æthere: nam cum aer constipatur, multis ictibus ei æther exprimitur, prorsus ut corporibus in mortario succus. Apertura rursus facta æther circulationis prius disturbatæ, nunc in ordinem redeuntis celeritate, maximâ rursus vi subintrat, aeremque in pristinam raritatem dispergit. At cur ita turbatur circulatio? quia aere exhausto æther colligitur in iusto majorem quantitatem in vase; aere compresso, æther expressus in iusto majorem quantitatem extra vas. At illa iusto major quantitas ætheris, impedit ætheris Circulationem circa centrum terræ, ubi propior est centro circulatio: quia quanto propior est centro circulatio, ut apud nos, tantò circuli sunt minores, tanto igitur omnia arctiora esse debent. Hinc quorsumcunq; transtuleris vas exhaustum vel distentum, etiam si mille Leucis abieris (add. infr. §. 48.) à loco exhaustio- nis, si eodem tantum in Circulo, seu eadem circiter distantia à centro terræ maneat, perseverabit (imò si ad centrum propius accedas, augebitur) Conatus ætheris circulum suum in debitam densitatem restituendi. Nec refert, quod à nobis circa Vas exhaustum nulla sentitur constrictio aeris ætherisque, hoc

hoc enim fit, eandem ob causam quæ efficit ne urinatores sentiant pondus maris, & nos ætheris motum, ob mutuam in liquido partium resistantiam, seu conatum utrinque sublatum, qui & in fornicato opere lapides, & in genere in rebus bullas continet. Neque verò abnuerim, quod diligentissimo Boylio probabile videtur, partes aeris velleris instar aut spirarum habere, ut compressæ se restituant, dummodo illud ex abstracta motus Theoria teneatur: nihil utcunque flexum, sese propriâ vi restitutum. Neque tanta vis esset in Elatere aeris, quantam in natura hactenus cognitarum potentiarum certè maximam sentimus, si comprimerentur tantum villosæ aeris partes; neque auctâ compressione, vel exhaustione augeretur perpetuò impetus, nisi ipse systematis status turbaretur.

28. *Exhalationum* contra naturalem gravitatem sursum levatarum hæc ratio est: Mare, ut ingeniosè Becherus sentit, partem suam bituminosiorē & graviorē per fundum spongiosum perpetuò distillat ad centrum terræ, seu interius quoddam globi nostri receptaculum vel æstuarium universale. Ibi digesta ac velut fermentata hæc sulphurea & bituminosa massa, vapores, id est, rariora, ac leviora proinde, quàm illius orbis, centro viciniore, atque adeò densioris, status ac circulatio fert, emittit per terram: ex quibus aquei, quippe subtiliores, leves, vacui, altius

exeunt, & partim in fontes resolvuntur, limo apto velut alembico capti, vel aperto exitu abeunt in aera & meteora constituunt.

29. Quanquam eos & subtilem quandam unctuositatem seu sulphur etiam in aera usque secum vehere non negem. Et pars unctuosior vel à lapidibus, vel à terra illa superiore hortensi intercepta, illic in metallis, hic accedente solis sublimatione in herbas, arbores, fructus, semina abit. Fontes plerisque à cisternis illis supermontanis & submontanis nivium aut pluviarum collectarum oriri cum Hobbio, Derkennio, & in omni eruditionis genere versatissimo *Vossio* non dubito; nonnullos tamen vaporibus subterraneis deberi, ab his etiam omnes aquarum virtutes minerales, imò & cæteras específicas simplicium vires repetendas, Chemicis, fratri Basilio, Groschedelio, Helmontio, omnino assentiendum putem. Cum sol & aer, agentia & patientia universalis, solo terræ subiectæ statu, si lucem jam propriorem & rectam, jam obliquiorem & remotam, addas, varientur.

30. *Hactenus de rotius globi phænomenis, nunc ad specierum apparentias* veniendum est, quæ tamen ferè è phænomenis globi oriuntur. Porro specierum phænomena sunt vel qualitates sensibiles, vel motus: etsi omnes qualitates istæ sint insensibiles motus. Qualitates sensibiles sunt aut visus, aut auditus, aut odoratus, aut gustus, aut tactus. Qualitates
visus

visus sunt Lux, & colores. *Lux* est motus ætheris ad sensum rectilineus celerrimus in quodlibet punctum sensibile circum circa propagatus. Vide supra §. 7. & infr. §. 6. nec sufficit *propensio ad motum* Cartesianæ, quia omnis propensio ad motum, quam non sequitur motus, non durat ultra momentum, adde supra §. 23. & infra §. 57. porro lux est, vel primigenia illa in sole, de qua §. 4. & 5. vel secundo-genita, eaque aut originalis, aut imitata: Originalis est in igne apud nos genito qui fit æthere innumerabilium bullarum rupturis acervatim disploso, de quo mox; Imitata est in *speculis*, tum in rebus, quæ diuturna apricatione radios colligunt, ut *Lapis Bononiensis, cicindela*. Quædam digestionem fermentationem seu motum intestinum, atque inde, si *satis fortis*, vel lucem, seu ignem solo visu sensibilem, ut *ligna putrida*; vel & jam ignem communem, ut *stratum madidum accumulatum* facit, producant.

31. *Colores* Emphatici experimento Prismaticis, *reales* asseveratione cæci apud maximæ diligentix virum, Robertum Boyleum posteritati relicta, egregiè illustrantur. Aiebat ille *asperrimam superficiem albi nigique, glaberrimam rubri* (et si aliquando varians cæruleum prætulit) à se tactu deprehendi: Nigrum tamen albo asperiores, cæteros colores, prout ab extremis abeunt, ferè asperitate decrescere. Si ita est, crediderim alba luci

magis convexitatem, nigra concavitatem obvertere: unde illa reflectent, hæc abdent lucem; & facies nigri minus planitie, plus aculeorum habebit. Cœtio item rubedinem faciet, quia inæqualitates abradit. Sed hæc obiter, nostrum enim est hoc loco motus potius quam qualitates ad sua principia revocare. Tenebrarum nullum proprium effluvium esse, sed apparere tantum distantia vel hiatu inter partes sensorii à luce affectas notato, vel hinc concluderis, quòd nullis speculis aut lentibus colliguntur. Adde hoc: *ubi multum humoris aquei, multum nigroris*, quia is totus alcalizatus seu vacuus, de quo infrà, ergò perspicuus, ergò lucem admittens, non reflectens; adde & colores in plerisque non à sola reflexione, sed etiam à subtili quadam luce seu igne proprio immixto, non minore, quam odorum effluvia, perpetuitate disploso, etsi raro in tenebris sine alia luce oculos movente, fortasse variari nonnunquam posse.

31. *Sonus non consistit in motu aeris* aerem enim voco illam rem, cujus gravitas in Baroscopio sentitur, quæ comprimi, exhauriri, ponderari potest. Jam constat exhaustis utcunque & clausis vasis campanulam intus pulsatam extrinsecus audiri. Consistit ergò in motu ætheris, sed moderato & in circulos abeunte ut lapide aquæ injecto videmus, cum lux consistat in forti & recto partis subtilioris.

At

At odor in aere consistit : Cum enim *aër* sit *aqua subtilis*, fit ut allapsu suo non minus subtiles salium partes solvat, quam aqua crassas. Ut igitur *saporem percipimus salsa crassa in aqua*, ita *odore subtilia in aere soluta* : ut proinde nares fiat os illud quo aerem gustamus. *Sal* autem ne de voce quaestio sit hoc loco (infra enim longè alio sensu vox usurpatur) voco cum Gebro, quicquid liquore aliquo solubile est.

33. Sciendum est autem nullam ejus generis *solutionem*, quæ sine reactione fit, centralem esse. *Centralis* enim solutio fit bullarum centralium apertura, unde actio & transformatio de quo mox ; *superficialia* contra non nisi bullarum superficialium apertura, centralium disgregatione, quod re liquida proportionata sese poris insinuante contingit, unde mox alio dissimili superveniente præcipitatio ; superficialiæ autem bullæ sola fusione crassa, & sensibili, & externa, sed debili fiunt, unde metalla soluta reduci possunt igne in corpus ; centrales insensibili quadam & interna, &, quamdiu clavem non reperimus, nec naturæ arcana excussimus, lenta, sed firmâ fusione formantur ; quanquam & natura sæpe species similes in instanti producat.

34. *Caloris* eadem est causa, quæ lucis, solo subtilitatis discrimine. Utrumque & oritur à motu intestino in se redeunte, subtiliora sui ejaculante, vid. sup. §. 7. & eum facit. Unde.

Undè & *raritas* & congregatio homogeneorum. Contra *frigus*, quod constringit, oritur à motu quodam forti, & recto, sed crasso, unde obtundente, non penetrante, ac proinde non solvente, sed constringente. Dura autem aut alioqui densata & conferta sunt pleraque frigida, ut marmor, metallum, mercurius, quia pori sunt angusti, per quos transit aer seu ventus. unde ventus frigefaciens, constringitur, colligiturq; prorsus, quemadmodum in civitatibus *angiportus* plurimum semper frigoris habere solent. Unum addo ad majorem rei lucem, impressionem calidi & frigidi differe, ut in eadem hasta punctura præacuto spiculo facta, à rudi capuli lignei ad perforandum impactura. Cæteras innumerabiles qualitatuum tactus varietates ingredi, non est hujus temporis, cum pleræque à superficialia magis, quàm centrali rerum constitutione oriuntur, fontes tamen explicandi attigemus infra §. 59. Transeamus ad *corporum motus extraordinarios seu physicos*, qui ex gravitate seu principiis mechanicis, quantum sensu apparet, non oriuntur.

33. Hos obiter partior in *sympathicos* & *antipathicos*. Sympathici sunt *verticitas* & *attractio*. Illa est in linea circulari, hæc in recta; illa ad certum globi punctum, circa centrum suum, hæc ad certam rem: *Verticitas* est non in *magnete* tantum, sed & in plerisque rebus, etsi impari gradu, nam alia aliis magis ætheri pævia, ac poris suis motui ejus proportionata.

nata sunt, magnes ferrumque præ cæteris, ob
 frigoris amorem natiuum, diuturnumque in-
 fodina versus polos situm. Sed is Boreæ
 amor ad directionem tam constantem, tam-
 que universalem, nisi causa universalis ubi-
 que præsens, id est circulatio ætheris accedat,
 sufficere non potest: verticitas igitur, seu ut
 librata inter polos globi nostri extrema sua
 constituent, videtur fieri à motu ætheris ab
 oriente in occidentem supra §. 9, 10: qui
 prohibet, ne extremitates Orienti occiden-
 tive directè aut, obliquè obvertant, restat
 ergo septentrio & meridies. Quæ verò in
 hoc verticitatis negotio particularia se phæ-
 nomena offerunt, examinare à præsentī bre-
 vitate alienum est.

34. Hoc tamen omittere non pos-
 sum, cum omnis consistentia seu cohæsiō
 corporum oriatur à motu, corporum in toto
 quiescentium orituram à partium motu, in
 se (ne avolent) redeunte, id est circulari,
 vel potius ob coarctationem, quandoque el-
 liptico, per abstractam motus Theoriam;
 hinc corpora eum motum ita exercere, ut
 commodissimè possint; possunt autem com-
 modissimè in eam plagam quâ motus æthe-
 ris non obstat, ergo versus polos globi terre-
 ni, quia motus ætheris non est versus polos,
 sed circa polos. It porro motus partium,
 suos corpori *propios polos polorumque diver-*
sorum & polis affectorum antipathias consti-
tuit. Poli magnetis appellantur, quia Polis
 terræ.

terræ respondent, quamvis non sint in axe intestini motus magnetis, sed potius in æquatore: quia tamen is motus partium non est parallelus, sed fit circulis in polo se intersectantibus ad instar meridianorum, hinc nova cum polis terræ similitudo. Jam rotetur Sphæra, vel saltem Orbis aut annulus circa axem horizonti perpendicularem, & tangat in æquatore æquatorem alterius sphærae, vel orbem saltem, aut anulum similiter rotabilem; imprimet ei motum suum, sed in contrariam plagam: nam si prior moveatur ab oriente per Septentrionem in occidentem, posterior movebitur ab oriente per meridiem in occidentem, seu ab occidente per septentrionem in orientem. Sed quæ in plagis contrarietas est, in motu non est, transferantur enim sphærae vel annuli permutato situ retento motu; erit convenientia in plagis, motus sibi obstabunt, quia & punctum retentum unius, tangit punctum oppositum alterius, nam si utriusq; oppositum sumatur, rursus obstaculum cessabit. In magnete autem tot fingendi sunt annuli, quot meridiani, id est ad sensum infiniti, sed qui omnes in uno puncto motus seu affriktionis se intersectant, quod non magis difficile est, quam radii luminis transeuntes per idem foramen inconfusi! Hac porro affriktione transferetur & motus, & qui, exempli gratia, parti boreali convenit, situs; & quia in opposito puncti accipientis se circuli rursus intersectant,

cant, acquireretur & ibi situs, quem habet in dante oppositum punctum puncto danti, nempe australis. Sed hæc in affrictione: cæteroquin similes poli se repellunt, ratio est, quia alterutrius situs est præternaturalis. Cæterum in ipso globo terreno credibile est similes magneticis motus esse subtilium partium fortiori Lucis sub Tropicis motu rejectarum versus polos per meridianos, (quod nec à celeberrimi *Kircheri* sententia alienum videtur) cujus motus impressionem præ cæteris magnes & ferrum, genuina terræ soboles receperunt. At quæ *inclinationis magnetica* ratio, qua acus levata vel depressa poli elevationem monstrat? nulla alia, cum quilibet magnes & quælibet acus, quasi affricti censendi sint pollo telluris, quam quæ limaturæ ferreæ magneti impostæ, quæ alteri polo vicinior illuc inclinat, in medio posita quiescit aut vacillat. Unde referente *Kirchero* cum sub Lineam ventum est, acus magnetica innumerabilibus oscillationibus titubat. At quod idem addit ultra Lineam non amplius acum inclinatione sua poli elevationem monstrare, hoc nondum satis capio; ipsa facti ratio magis pervestiganda est, ut de causa constare possit: cum certè polus magnetis, qui cis lineam polam telluris nostrum respexit, eundem & trans lineam respiciat, ut ajunt. Sed & illud difficile est, quod si Terrellæ polus arcticus suberi imponitur, libraturque, eundem ubique meridianum.

num terrella obvertat polo telluris; sed ita ut si polus antarcticus imponatur, punctum quod prius fuit orientale, fiat occidentale. Tentandum esset ultra lineam an arctici an antarctici impositione, quod hic orientale punctum est, ibi quoque orientale sit; quemadmodum illud quoque, quod ex eadem ratione pendere videtur, an ferrum diu perpendiculariter pendens, quod hic partem inferiorem polo arctico, si libretur, obvertere affirmant, si trans lineam pependit eandem antartico obvertat. Quæ cum non sint explorata, de ratione comperendum puto. Cum autem tam regularis, tamque fortis sit in magnete motus, non est mirum, aerem, qui ei gravitate sua impingitur, ab eo rejici, eoque mediante motum ferro communicari, quod similiter dispositum, impressionem facile recipit. Idque non chordæ tantum tensæ alteri similiter tensæ sonum per aerem communicantis, sed & eo experimento constat, quod vitrum, cujus sonus pulsu exploratus est, si similis ab astante sonus edatur, etiam non tactum resonat. Quælibet ergo actio magnetis etiam in distans ferrum quædam insensibilis affriccio erit. Movet ergo magnes ferrum, sed cur ad se movet, seu trahit? quia ferrum expletur seu perficitur his radiationibus, ut alcali acido proportionato: his ergo sorbendis magis magisque accedit, & ita fonti ipsi, seu magneti propinquat.

35. Igitur *attractio ferri* per magnetem facilis explicata est, explicata tractione Electrici, differunt enim subtilitate tantum, unde *attractio magnetis* nec frictione indiget (quanquam politurâ juvetur) & crassa corpora penetrat. *Attractio electrica* meo iudicio facile explicari potest, explicatâ attractione, quâ fumus attrahit ignem. Nam, ut pueris notum, candelâ fumante ardenti ita supposita, ut fumus illius ad flammam hujus pertingat, descendit ignis per scalas quasi fumi, & extinctam recens candelam reaccendit, quæ etiam *fulguris* causa esse potest. Hujus verò Electricæ, & *sumariæ attractionis*, hoc solum discrimen est, quod hæc ipsa forma sui, illa non nisi effectu sentitur. Descensio ignis per fumum videtur fieri eodem modo, quo ascensio aquæ per antliam, vel potius irruptio aquæ vel aeris in recipiens evacuatum. Nam fumus nimis dislosionibus exhaustus, quod in igne jam collectum reperit, resorbet: nihil aliud enim *flamma* est quam fumus ignitus, & *fumus* quam flumen partium volatilium (ut cinis sedimentum fixarum) exhaustarum, unde illud in *fuligine* alcali volatile, in cinere fixum: sed de his alias exquisitiùs.

36. *Antipathicus motus* (de sensu & apparen-
tia loquor, nam si interiora spectes, nulla est in corporibus nec antipathia nec sympathia) est *reactio*, cujus subtilissimis varietatibus in natura rerum pleraque peraguntur.

tur, Reactionum solæ propemodum antiquis notæ : deflagratio (quo pertinet pugna ignis & aquæ) & fermentatio. At chemici nostri non tantum fortissimam illam pulveris ceranochrysi, quemadmodum & antea sulphuris & nitri, sed & innumerabiles alias detexere, atque ipsi agnoscunt potissimum naturæ instrumentum esse reactionem.

37. Hinc jam ille veterum *Chemicorum* albi & rubri, seu masculi & fœminæ amplexus, hinc Basilii Valentini pugiles, hinc decantata *tria principia* Isaaci Hollandi, fratris Basilii, & Paracelsi ; Cas, Blas, Archæus Helmontii ; Humor Sylvii Triumviralis, perfectum & imperfectum Glauberi, Acidum & Alkali Tacherii, acidum & salsum Travagini, quæ omnia certum est recidere eodem.

38. Hinc illud Basilii :

*Quæ duo, quæ tria sunt, eadem rediguntur
ad unum,*

Quod si non capias, sunt tibi tota nihil.

Sed pleraque ita intricate, ita ambigüe proponuntur, ut constantes terminorum definitiones vix ac ne vix quidem hætenus impetrare licuerit. Quam variationem doctissimus Boylius in chemistria sceptico egregiè exagitavit.

39. Igitur revera duarum in globo nostrorum tantum *reactio* est : *Exhausti & disenti*, seu, ut cum Democrito loquar, vacui & pleni :

pleni: atque hæc est unica origo omnis fermentationis, omnis deflagrationis, omnis dissolutionis, omnis pugne inter ignem & aquam, acidum & alcali, sulphur & nitrum.

40. Causam non est opus diu quærere post Hypotheses nostras præconstitutas. Nam §. 26, 27. ratio reddita est, cur aer compressus tantâ vi se restituat in libertatem; contra, cur locus aerem exhaustum tanto impetu resorbeat? Cum ergo aqua nihil sit nisi congeries bullarum innumerabilium exhaustarum, & ignis totus substantia targeat, ex permixtæ atque ipso lapsu, motu, aut gravitate collisæ rumpentur, & maximo impetu altera exonerabitur, altera sorbebit. Idem de omnibus aliis reactionibus dicendum est, magnitudine tantum bullarum & multitudine, & situ, & figurâ, & exhaustiois atque compressionis quantitate pro re nata variatis.

41. Nam si bullæ sint *Evanidæ*, & ut sic dicam *aquæ vel aeræ*, ut in imperfectè mixtis, nullum fit ex reactione mixtum sensibile sed cuncta disperguntur. At si bullæ sunt *terreæ*, seu *vitreæ*, excitatur ipso reactionis calore fluxus quidam novus, seu fusio insensibilibus istis velut foliis inflata, & ex dissilientium bullarum fragminibus aliæ, sed dissimiles reconstantur, undè *novæ speciei ortus, & centralis rerum mutatio.*

42. Hæc jam cum *chemicorum principiis* non difficulter conciliantur. Quæ notum est illos

illos dividere in *nucleum & corticem*. Nucleus constat decantatis illis *Triumviris* cortex terra mortua & phlegmate. Cortex & ipse totus componitur ex bullis, uti omnia corpora sensibilia, sed minoribus & dispersioribus, quam ut effectus sensibiles producantur: maturatur tamen paulatim, id est, subtilibus quibusdam fusionibus, vel a sole, vel aliunde ortis, ex bullis minoribus pluribus (quod & in aqueis sibi appropinquantibus, experientia docet) fiunt pauciores majores, unde nucleus ex cortice & oritur, & lentè nutritur.

43. Sciendum est enim, ut præclari illi *Micrographi*, *Ki. chevus & Hookius* observavere, pleraque quæ nos sentimus in majoribus, lynceum aliquem deprehensurum proportione in minoribus, quæ si in infinitum progrediuntur, quod certè possibile est, cum continuum sit divisibile in infinitum, quælibet atomus erit infinitarum specierum quidam velut mundus, & dabuntur *mundi in mundis in infinitum*. Quæ qui profundius considerat, non poterit non Ecstasi quadam abripi admirationis transferendæ in rerum Authorem.

44. Hinc jam apparet *Anaxagorea* cujusdam infinitæ *ἁπορροιας* cum nostra de paucis rerum elementis sententiæ conciliatio: etsi enim verum esset *putredinem* esse insensibilem verminationem, & *fitum* insensibilem fructicationem, & *aerem* esse aquam insen-

insensibilem, & *frigus* esse aerem congelatum, & *ignem* esse sulphur subtile, & *aquam* esse nitrum subtile, & animalcula illa putrescentia sursus resolvi in alia minora, & sic, ut lubet, in infinitum; hæc inquam etsi vera essent, uti ex parte fortasse sunt, non tamen sufficerent reddendis rerum causis, cum exemplum potius seu analogia afferatur, quàm causa. Nam ubique restabit sine fine quaestio, nec minus impeditum erit, cur secundum seu subtile nitrum pugnet cum subtili sulphure, quàm cur primum seu crassum cum crasso. Nos verò rationes reddidimus etiam illis, si quæ sunt, in infinitum replicationibus, suffecturas.

45. Sed ab Anaxagoristis, ita enim pace eorum doctissimos illos Micrographos appellare liceat, ad chemistas nostros redeundum est. Ac de cortice quidem diximus, qui ad sensum aere & æthere neque vacuus, neque plenus, sed ferè indifferens ac proinde iners, (etsi lateat semper in illo quoque virium non nihil) terra, atque aqua potissimum constat, sed Nucleus sensibilibus effectibus demonstrat imprægnationem suam. Ubi facilè cum illis transigi potest, qui duobus principijs contenti sunt, uti veteres chemici fere omnes sulphure & Mercurio, seu masculo & sæmina, vel, ut Tackenius aliique vocant, acido & alcali. Nam bulla aere exhausta (& contra æthere distenta) est alcali, foemina, & (sensu veterum chemicorum)

mer-

mercurius; bulla aere distenta (& contra æthere exhausta) acidum, sulphur, masculus. Nam quod æthere tantum plenum est, sensibus vacuum est: Jam alcali potius quam acido ascribendam vacuitatem, Glauberus, Tachenius, aliique facile, opinor, mihi assenserint. Cum ea quæ ipsi alcalia vocant, pleraque sint perspicua, tenuia, levia, fluxum & vitrificationem juvantia, ut nitrum, ut sal tartari, ut ossa; acida sint opaca, aut potius colore saturata, densa, gravia, ut oleum sulphuris, vel Vitrioli, ut vinum, ut sanguis. Sed hæc tamen variant, admirabili quadam rerum in se invicem implicatione, ut proinde instantia quadam in contrarium reperta conciliatio potius querenda, quam totius Hypotheseos everasio cogitanda sit. Unde etiam eadem res in comparatione ad diversa, modo acidum, modo alcali esse potest; acidum vacuatiorebus, alcali plenioribus: & solent plerumque *interiora* rerum *exterioribus* contraria esse, & per *fermentationem* interiora extrorsum verti.

46. Ne igitur levi aliqua specie repugnantis experimenti commotus lector totam statim harmoniam turbet, cum tamen plerumque experimenta, ut in motu ostendi, ab intimis rerum principiis prima specie valde dissentiant, nec nisi multo oeconomix universalis artificio, admiranda Creatoris sapientia rerum ortus involvente, concilientur; ostendendum est à priori breviter, hypothesin nostram

stram paulo plus aliquid, quam hypothesein esse. Primum enim non nisi bullis atque vasis subtilissima corpuscula coerceri possunt. Duo igitur summa genera corporum esse, necesse est: continentia & contenta seu contentilia (neque enim negarim quædam extra bullas volitare, etsi forte & ipsa rursus constantia minoribus bullis vide infr. §. 60.) solida & liquida, *bullas & massas*.

47. Massarum motus motui universali terræ, aquæ, aeris, Ætheris (neque enim alterius cujusdam massæ grandis statuendæ necessitatem reperio) conformis est: bullæ aliquid proprii sibi servant, & specierum fundamenta locant. Sunt autem *bullæ naturales aut violentæ, seu ordinariæ, aut extraordinariæ*. Ordinariæ & naturales sunt, in quibus tantum Massarum aliarum, terræ, aquæ, aeris, tantum item ætheris, quantum locus fert, in quo bulla sita est. At si bulla nimium ætheris habeat, aeræ aqua, terra, justo vacuatior, vel contra nimium aeris, justo minus ætheris, constituuntur *bullæ extraordinariæ & violentæ*.

48. *Ordinariarum* nulla extra ordinem actio est, & quiescunt, nisi quatenus abripiuntur, motu *massarum universalium*. Si quid enim extraordinario quodam motu cieatur, mox statim eum amittet, cum sit ei perpetuo cum totius massæ universalis torrente confligendum. At *bullæ extraordinariæ* utrunque motu universali abripiantur, quamdiu non
rum-

rumpuntur tamen, motus cujusdam extraordi-
narii, ruptura exerendi, vim secum gestant :
prorsus ut vasa aere exhausta aut distenta huc
illuc circumgestata, quodocunque aperta,
aut exonerantur æthere, & sorbent aerem ;
aut exonerantur aere & sorbent ætherem, ad-
de supra §. 27.

49. Utrumque genus *bullarum ordinaria-
rum & extraordinariorum* vel *exhaustarum
vel distentarum*, in *crassas*, & *tenuis*, seu *aque-
as & terreas vitreasve* dispescitur. Et quam-
vis ex Micrographorum observationibus
dentur continuo aliæ alijs minores, manebit
tamen semper eadem proportio : cum aqueæ
aereis comparatæ sint terreæ, & aeræ ad æ-
thereas eandem proportionem habeant, &
nihil prohibeat dari alium ætherem, de quo
nobis nec suspicari licet, æthere illo, quem
ratione & experimentis colligimus tanto su-
periores, quanto est aqua terra, aut aer
aquâ. Sed hæc in computum nostrum, quia
nihil indè Phænomena variantur, venire non
possunt. Hinc jam apparet, bullas in uni-
versum ordinarias, exhaustas, distentas, rur-
sus non solum in *debiles & firmas*, imò si lubet,
medias, sed & in *magnas & parvas* imò & rur-
sum, si lubet, *medias*, (multiplex enim hic
inter extrema latitudo est) discerni. *Figur-
arum multitudinisque varietates* & sunt in-
numerabiles, & nihil conferunt ad summam
rerum.

50. Hinc

50. Hinc jam illa absoluta *Paracelsistarum* sive *quinitas* sive *Trinitas* valde suspecta redditur. Nam ut de inertibus, *phlegmate* & *terra damnata*, quæ ferè bullis ordinariis (phlegma aqueis, terra damnata vitreis) aut extraordinariarum nimis parvarum, vel utcunque magnarum, tamen paucarum, ordinariis involutarum, confluence constant, nihil repetam; forte tertium illud *mercuriale principium*, est jam *alkali*, jam *acidum volatile*, add. *infr.* §. 60. Ut proinde verear, ne quaternionem utilium principiorum habebituri simus: Bullas exhaustas majores, seu *alkali* vel *sal fixum*; bullas distentas majores, seu *acidum*, vel *sulphur fixum*; bullas exhaustas minores, seu *alkali volatile*; bullas distentas minores, seu *acidum volatile*. Quin imò an *medium* detur aliquod inter fixum & volatile, quæ sit etiam *trium*, ut vocant, *regnorum varietas*; experimentis, at non paucis, non quibuscumque, sed multis magnisque inter se collatis dijudicandum.

51. Neque ego hoc loco divinatione præpostera me prostituere volo, quanta enim rursus esse potest, in *exhaustionis conspationis* gradibus varietas? & hic certè Hypothesin condituro, nisi temerarius haberi affectat, subsistendum est; specialior enim applicatio ab experientia pendet: Credidi tamen semper admirabilem Conditoris sapientiam ita res instituisse, ut paucis multa gerantur.

antur. Undè si somniandum esset, dicerem
 duorum istorum naturæ instrumentorum, di-
 stenti exhaustique, ter ternas in summa va-
 rietates esse : Utrumque esse minimè, medi-
 ocriter, maximè exhaustum, distentumque ;
 atque horum rursus unumquodque subtile,
 medium, crassum, Schema hoc esto.

BULLA

BULLA

BULLA

BULLA

debilis seu aquea	parva levis subtilis.	Ordinaria	Exhausta	minime
Variatio continetis in crassitudine.	Variatio continetis in amplitudine.	Variatio contenti in plenitudine & vacuitate aliqua vel, nulla,	Variatio contenti in plenitudine & vacuitate majore vel minore.	mediocriter.
firma, seu terrea, vel vitrea	Crassa, grandis, gravis	Extraordinaria	distenta	maximè.

BULLA

debilis est	imperfectè	} differunt qualitate passiva
firma . . .	perfectè mixti	
subtilis . . .	regni animalis	} differunt quantitate seu mole.
media . . .	vegetabilis	
crassa . . .	mineralis	} differunt qualitate activa.
ordinaria . . .	indifferens sterilis	
extraordinaria	activa, foecunda seu feminalis	} differunt qualitate.
debilis ordinaria	phlegmatis	
firma ordinaria	terræ damnatæ	} semen, differunt agendi modo
exhausta extraordinaria	alkali, tingibile, foemininum.	
distenta extraordinaria	acidum, tinctum, masculinum	} differunt actionis gradu.
distenta	minimè — salina seu obtusissima	
exhausta	mediocriter — sulphurea seu media	
	maxime — mercurialis seu activissima	

C

§ 2. Igi-

52. Igitur sunt quatuor massæ grandiores seu *elementa*, indefinitæ replicationes seu homœomereiz; principia componentia indeterminata, ob graduum varietatem, deinde ob Analyseos per se impossibilitatem, unde plerumq; ex resolvente, igne, menstruo &c. cum soluto *decomposita* fiunt: imò vix illa componentia haberi debent, quorum reconnectione res *regeneratur*, nam hæc quoque ipsa illa conjunctione destrui solent, & solutione generata sunt. Manet tamen duo principia utilia esse, tres *ὡς ἐν πλάτει* principiorum utilium gradus, tria regna. Regna differunt partium solutione, subtilitate & varietate; gradus evectione, & coctione, & virtute. Quanquam plerumque quæ virtute aucta sunt, & subtilitate augeantur: Unde & in regno animali activitas major, sed & evanescentior.

53. *Methodus medendi* his ita positis, si pergere conjectando licet, huc redit, ut acida alcalibus & contra, sed gradu similibus, curentur. Ergo acidum mercuriale curabitur alcali mercuriali; acidum sulphureum, alcali sulphureo; acidum salinum, alcali salino; summum venenum frigidum seu alcalizatum, summo balsamo calido vel acido, & contra: ita contraria contrariis substantia, similia similibus gradu curabuntur. Et quia fortasse tres illi Mercurii, Sulphuris, salis gradus rursus magnam habent latitudinem, tum in se ipsis, tum inter se; & sunt alia aliis mercurialiora,
aut

aut falsiora : hinc jam non quælibet acida quibuslibet alcalibus, quælibet distenta quibuslibet exhaustis, sed proportionata proportionatis (undè sympathicæ illæ, aut antipathicæ, seu specificæ medicamentorum quorundam vires) experientiâ discernendis, currantur. Prorsus ut duobus recipientibus vitreis, altero pleno, altero exhausto, per orificia junctis, nisi justa in pleno quantitas sit, replendo exhausto, aperto Epistomio communi, ruptura sequetur. Cæterum Regna sibi alimenta præbent *per scalam*, mineralia vegetabilibus, hæc animalibus, & retro; omnia omnibus medicinam etiam *per salum*.

54. Sed hæc applicatio omnis hætenus divinatoria est, & si cui displicet, nec dicta esto. Sufficit causam omnibus motibus explicandis suffecturam reddidisse, sufficit ex simplicissimis & liquidissimis, & intellectu facillimis, ad hanc usque experientiæ portam volatiles alioquin, & usui vitæ, atque analysi practicæ inconciliabiles Theorias deduxisse; sufficit ea attulisse, *que sectæ omnes, salvo domesticis opinionibus, ferre possunt.*

55. Qui negat *motum terræ*, motu ætheris cum sole & luce, circa terram contentus esse potest; sed & *Vacuum* affirmes negesse perinde est, cum sponte fatear, quicquid aere exhauritur, æthere repleri; prorsus an relictis inanitatulis, nihil ad hypotheseos summam. Nec Aristoteles ejusque germanus interpres cum subtilissimo *Thoma Anglo* il-

Instris Digbæus mihi indignari possunt. Illi *elementa* quatuor habent : Terram, aquam, aerem, ignem ; ego pro igne ætherem, quâ nisi vocis distantia ? Nam ignis Aristotelis purus, qualis sub concavo Lunæ, seu supra aerem, ab eo supponitur, & à me conceditur (qui ætherem credo aere superiorem) vel ipso Aristotele teste, non urit : rectè tamen ignis appellatur, cum *ignis* noster ex ætheris collecti disposique flumine fiat. Prætuli nihilominus *ætheris* nomen, quia ei multos alios magnosque effectus illis inobservatos adscribo. Ignis enim familiaris significatio longè alia est, & æther meus ignis communis causa potius quàm materia est : quamquam contra originario vocis usu idem sit æther græcus, quod ignis latinus. Sed consuetudo efficit, ut corpus quoddam ipso aere subtilius æthera nominemus.

50. Porro *rarum & densum* rectè quidem Digbæo summa corporum differentia est, nam & illæ quas primas Peripatetici vocant qualitates inde deducuntur. Cum calidum sit rarefactivum, frigidum densativum, humidum rarum, siccum densum ; illa activa, hæc passiva : & calida motu intestino forti cum subtiles radios ejaculentur, tum aerem gravitate sua innitentem rejiciant, ventilentque, quæ ventilatio pariter & radiatio ad alia corpora pertingens, tum poros eorum aperit, & particulis hætenus densitate restrictis liberum similis motus aut campum præ-

præbet, aut conatum, si nondum habeant imprimi, unde & congregatio homogeneorum sequitur, uti metalla scorix variè confusa, rarefaciente ignis fluxu liberata partes dispersas naturali deinde gravitate in *regulum* colligunt. Sed ut rarum densumque præstet quod exhaustum distentumque nostrum, id est vim à dilatatione aut compressione se restituendi, aliud quiddam, motus scilicet ætheris, addi debet. Nimirum viro egregio reliquix Metaphysicarum notionum insederant, unde illam rerum compressarum aut distractarum, ac se *restituendum vim*, nescio cui appetitui innato ascribit, quo data materix moles, etsi plus minusve spatii implere possit, omni tamen nisu, cum potest, redeat, ad velut præscriptam sibi extensionem. Sed hæc aucta magis magisq; Philosophix luce animis sua sponte cecidisse arbitror: cum certum sit, ut recte docuit cum Cartesio Hobbius, eandem molem plus minusve spatii implere non posse; etsi enim discontinuata longius latiusque extendi queat, non ideò tamen quidquid amplectitur, implet, succedente re alia, in partes subtiliores motum separatim habentes, id enim est esse *variorem*, (quam ad extremum sine omni *vacuo*, res exitum non reperiatur, quia impossibile est in prorsus pleno motum ullum extra corpus suum agentem, & secundum lineam in se non redeuntem esse) subdivisa. *Aristotelem*, ut in præfatione ad Nizolium de veris principiis,

principiis, & verâ ratione philosophandi nuper recusum, docui, *conciliare* longè facilius fuerit, nam ille penè nusquam dieit, quæ ei à scholasticis imponuntur. Certè omnium causam statuit cœlum, cœlum autem agere per motum. Et rectè, nam & *Lux* nihil aliud, quam rei agitatio intestina, tam fortis, ut conatus ejus extrorsum tendentes ad quodlibet, & ex quolibet puncto sensibili, directè & reflexè oculum feriant. Ab agitatione tam forti, quis calorem & rarefactionem, & in opposita globi parte contra condensationem, ab his accedente ætheris motu, à lucis solaris circulatione impresso, bullas, & gravitatem, & elaterem, & ab his cætera oriri miretur? Certè *formas substantiales* (de materia mente) etiam Aristoteli non esse ens absolutum, sed tantum λόγος, rationem, proportionem, *δεσμὸν*, structuram partium intimam, quidquid ei scholastici imposuerint, docuere dudum Honoratus Fabri, & Joh. Racus, Viri præter omnigenam eruditionem ingeniosæ & solidæ in philosophando libertatis.

57. Nobilissimi *Boylli*, vim Elasticam à Spiritibus quibusdam se restituentibus repetentis sententiam non improbo, vim tamen illam etiam harum spirarum restitutoriam ab altiore quodam principio, id est, ut ego credo, ætheris circulatione repetendam, ipsunimet, qua est ingenuitate, agniturum credo. Nam & quod aer difficilius quàm aqua, cæteris paribus, angustias intrat, quòd

quod eam ob rationem aqua in canali angusto & longo ultra æquilibrium ascendit, quod aqua mercurium penetrat, aer non penetrat; id etsi ad partium villositates & implicamenta retuleris, reddenda tamen rursus ratio est cohesionis implicamentorum, ultima autem cohesionis ratio, per alibi demonstrata, est motus intestinus. Ratio ergo ultima cur aer difficilius angusta transeat, hæc est, quia aer magis Elasticus magisque coherens, non facile dissipatur, aut per partes intrat, sed volvitur, tornatur, formaturque in unum corpus. Cur ita? quia plus in eo ætheris, plus ergo motus, restitutionis, cohesionis: aquæ partes non motu, sed densitate sibi admoventur, minus ergo compressionis, restitutionis, cohesionis, facilius ergo in partes desinit, foramini, permeando respondentes. Ut vel hinc appareat densitatem duritiæ & cohesionis causam veram non esse. *Cartesii Gasendique* maximorum sanè virorum sectatores, & quicunque in summa illud docent, ex *magnitudine, figurâ & motu* explicandam omnem in corporibus varietatem, habent me prorsus assentientem: Credidi tamen semper, quicquid de atomis varie figuratis, de vorticibus, ramentis, ramis, hamis, de uncis, globulis tantòque alio apparatu dicatur, lufui ingenii propius, à naturæ simplicitate, & omnino ab experimentis remotius, aut jejunius esse, quàm ut manifestè connecti cum Phænomenis possit.

Præsens autem Hypothesis corpuscula vaga & dilabentia, tum inter se per bullas unit, tum motus effectusque bullarum & omnino specierum, ab universi systematis unico universali motu deducit, atque ita hinc à summis & abstractis orsa, illinc ab imis Chemicorum experimentis ascendens, in simplicissimo & ex totius globi nostri statu explicabili gravitatis elaterisve Phœnomeno theoriam observationi mechanicè, magna cum claritate & harmonia connectit. Audeo dicere, ac penè confido demonstrare, rationem illius celeritatis, quo arcus se restituens sagittam explodit, illius impetus, quo pulvis fulminans, sive communis, sive aureus obvia omnia prosternit, ex constitutione partium corporis, nisi universali illo ac celerissimo systematis motu advocato, explicari non posse, cum certum sit omnem impetum oriri ex celeritate, certum etiam ex pluribus motibus tardis (nisi maximâ à centro rei distantia, qualis hic nulla est) aut etiam partium insensibilium motibus insensibilibus utcunq; celeribus, motum totius usque adeò celerem ac violentum oriri non posse. Equidem solet motus arctatione augeri, ut densitas corporum compressione; sed hoc ex œconomia systematis pendet in quo omnis motus ætheri velut suo *πρώτῳ δυνάμει*, ut sic dicam incorporatus est. Unde aucta compressione conatus intestinus se restituendi, id est ætheris ambientis sollicitatio, quia in singulas,

las partes ducenda est, proportionē augetur: res ergo sine novo ac perpetuo ætheris allapsu non potest explicari. Cum illud etiam sit inter principia Phoronomiæ nostræ: virtutem, *conatum*, motum omnem (exceptis mentibus) *semel superatum cessare omnino*, nec sua sponte resurgere, sublato licet aut imminuto impedimento vide sup. §. 22. 28. Unde nec per *motum reciprocationis* nisi ætheris sollicitatione advocata, res explicari potest, quia nihil per viam qua venit sponte redit: tensa item intrinseca virtute, etiam dimissa non restituentur; etsi ea sit illorum intrinseca constitutio, ut vis ætheris restituentis in ipsis potius, quàm aliis operetur. Quia aer internus in duris comprimitur, mollibus elabitur: Et hæc ratio est, cur diu tensa tandem flaccescant, quia paulatim per subtilissimos exitus, aer hinc compressus elabitur, illinc distractus, novis supplementis ad statum naturalem redit. Patiamur igitur alios à figurarum suarum varietate colorum, saporum, aliorumque id genus causas repetere: at motuum pagnarumque tam admirabilem, tum in quos vulgus incidit, tum quos in resolutione chemici deprehendere, vim incredibilem, nisi concurrente, ut sic dicam, rotius atmosphæræ nisu, ut in nostra sententia, vix unquam explicabunt, quemadmodum nec chemicorum principiorum operationes, quæ proinde velut *αερίων κίνησις* præ Atomisticis & Figuralisticis doctissimus *Willisus*

ad explicandam fermentationem merito elegit. Idem Willisius libro de cerebro & nervis *motum musculorum à dispositionibus* innumerabilium sclopetorum insensibilium deducit. Rectè omnino & huic Hypothesi congruenter; hæc autem insensibilia sclopetata quid sunt nisi bullulæ jam exhaustæ, jam distentæ, inter se mixtæ & ruptæ. Unde ad re-conflanda & redomeranda perpetua respirationis velut antlia & folle opus. Figuris musculorum quomodo-cunque suppositis, nunquam illam vim, illum fortissimum nisum explicueris, quem quotidie in nobis ipsis experimur. Idem erit si cum eruditissimo Lowero *musculorum motum* explices per fortissimam *contractionem* utrinque in contrarium factam; nam nec tanta vis contrahens vel restituens aliunde arcessi potest.

58. Unde constat, quæ vis, origo, & ratio trium illorum augendæ in corporibus potentia, seu gravis per leve levandi fundamentorum: *distancia à centro, impetus à lapsu, & demique nisus à certâ quadam rerum specie*, ut animali; ut pulvere pyrio; ut magnete; ut veneno aliisque exercitiis, quæ per miraculum quasi quoddam à minimis maximæ res geruntur, de quibus supra §. 20. ut enim illa à celeritate gravitationis, ita hæc à vi *Elasticis*, rursus autem & gravitas, & elater à circulatione ætheris turbata, oriuntur: hoc solo discrimine, quod in gravitate efficienda æther movet rem, in elatere se ipsum;

in

in gravitate se restituit in locum suum, in elatere, quod plus est, se restituit in gradum suum statumque raritatis, de quo erat deturbatus. Nam æther circulatione sua res justo densiores aut dispergit, aut cum non potest, deprimit: ex hoc oritur *gravitas*, ex illo *Elatere*. Desiderant omnes philosophi recentiores physica mechanicè explicari: id hic perfectè præstatur. Quemadmodum enim omnia naturæ, ex hypothese nostra; ita & omnia artis horologia & machinamenta consensu communi vel ex *gravitate* vel ex *Elatere*, vel ambobus junctis pendent. Ex gravitate omnia horologia in quibus naturalis ponderis alicujus gravitas vectibus, rotis, trochleis, cochleis tardatur; & hæc quidem id *commodi* habent, quod durabilia & constantia & accurata esse possunt, quia naturalis ad descendendum impetus nunquam lassatur, possunt item æquè faciliè exhiberi in magno opere, quàm modulo parvo; sed *incommodum* subest, quod jactari & de loco in locum transferri sine gravitatis jactura commodè non possunt, quia jactatio facit, ut nonnunquam sint in plano ad horizontem inclinato, quo casu minus gravitant; unde & in mari eorum usus turbatur. Ex vi *Elastica* pendent horologia illa minora portatilia vi quadam tendenda: hæc contrariam prioribus rationem habent, nam id *commodi* inest, quod sine gravitatis jactura transferri possunt huc illuc; sed contra illud *incommodi*, quod.

quod in loco etiam priore relicta lassantur tandem, ut arcus diu tensus, & pro vi tendentis inæquali aerisque etiam mutationibus variantur. Machinæ quas aqua profluens regit, pendent ex gravitate; quas ventus, partim ex gravitate, partim Elatere aeris; quas fumus aut ignis, ex gravitate minore quam quæ aeris est; quas homines, aut animalia, ex elatere. Nec facile motus naturalis aut artificialis, cujus ratio à circulatione lucis circa tetram deduci non possit, reperiatur.

59. Notandum etiam, posse, imò debere non rarò rerum *cohesionem*, sed *secundariam* & ortam, & aliam præsupponentem à gravitate aeris oriri. Constat enim experientiâ, duo plana ægrè divelli posse, si exactè congruunt, quia levaturo pondus atmospheræ incumbētis vincendum est. Eadem ratio est in duobus curvis, imò in omnibus, quæ se ultra quàm in puncto tangunt, ut per lineam ad congruentiam superficiæ non parallelam divelli nequeant, nisi pondere cylindri aerei æqualis baseos, ac planam congruentiæ subtensum est, superato. Quia cum duo discedunt à se, ita ut primo discessu plus intervalli relinquunt, quam eodem tempore aer implere possit, quia scilicet superficies ingressus initio superficie discessus minor est, (quod fit, quoties contactus est plus quam in puncto) plus spatii interim ære vacare, ac proinde plus ætheris ingredi, atque interim atmosphæram sive levare,

levari, five comprimi necesse est, concursu quodam gravitatis & elateris: nam utrum advoces perinde est. Atquè ita credibile est, in corporibus duris aut tenuibus consistentiam secundariam sæpissimè oriri, cum probabile sit, pleraque amplius quàm punctis congruere. Sed tamen hæc consistentiæ ratio aliam jam priorem, ut dixi, præsupponit. Cum enim divellenda est superficies à superficie in linea non parallela ad congruentiam; manifestum est, non impulsu hoc fieri, sed *tractione*, id est, pulsione rei alterius connexæ, per ansam nimirum, aliamque eminentiam in contrarium curvatam. Sed hæc connexio jam consistentiam supponit. v. g. Si duas tabulas summè politas separare aliter, quam parallelo impulsu, qui facilis, viles, necesse est ex superjacente ansam ei connexam, vel aliud, quo apprehendere eam possis, eminere. Quæ cur connexa sit, ratio reddenda est. Non potest ergò cum Democriticis, ultima consistentiæ ratio à congruentia ista, vel ut nonnulli alterius scholæ loquuntur, à fuga vacui (à qua tamen res minimè, sed à gravitate & elatere potius oritur) peti; multò minus cum Cartesio à sola quiete, sed ex rei motu, vid. sup. §. 2. & 11. Etsi sensibiliores consistentiæ ex compositis ejusmodi in omnem faciem tabulis, non nisi superata per istum impressum gravitate & elatere aeris discessuris, non raro oriri videantur. Certè a gravitatis elaterisque princi-

pio

pio vis *restitutiva* in corporibus, *compressorum explicatio*, diductorum *reductio* sui, ad sensum spontanea, partim per memorata, partim per memoranda duci debet. Sentimus autem hanc vim non tantum in liquidis vase clausis, ut aqua, aere &c. Sed & in iis quæ sibi ipsi vasa sunt, id est, in consistentibus ejusmodi, quæ neque absolutè dura, neque absolutè mollia sunt, sed mediam quandam rationem habent. Nam *liquidum* est, quod terminos ab alio quocunque accipit, propriis caret, summa facilitate & separabile & transfigurabile. *Durum* est, quod contra habet. *Flexibile* est medium inter liquidum & durum, quod separabile aut saltem transfigurabile est, sed non facillimè. Ejusque species sunt *glomerabile*, quod etsi facillimè transfigurari, non tamen & summa facilitate dissolvi potest, ut filum lineum, sericum, aliaque id genus, quæ non possunt melius, - quam per catenam meris annulis constantem, quorum unus in alio sit gyralis, explicari. *Molle*, quod parumper moratur transfigurantem, non reagit tamen: *Tenax*, quod valde moratur transfigurantem non reagit tamen; *Tensum*, quod moratur transfigurantem, & ei reagit, atque adeò dimissum se restituit. *Liquidi* per se facilis notio est, cum partes liberè sibi confusæ sunt: *Duri*, cum instar tabularum planarum congruentium in omni sensibile punctum plagæve compositæ; undè & omnino non
leva-

levatur tabula a tabula, vel si parum levetur, tota levatur : similiter dura aut non flectuntur ad sensum (etsi crediderim plerisque subtilem flexionem inesse) aut flexa omnino rumpuntur. *Molle & Tenax* gradu differunt, utriusque igitur eadem causa. *Tenax* vel *Tendibile* simul, seu se restituens, vel tantum simpliciter ductibile est, ut cera, pix. *Simplex ductibilitas* consistit in perpetua per omne punctum sensibile implicatione, & insertione in se invicem funiculorum, tubulorum, fistularum, scatularum, convolvulorum, vasorum, aliorumque, quæ diductionem non impugnant quidem, differunt tamen, modo non nimia implicatione fistant, quam in quibusdam *durities* causam intelligere licet, ut instar filorum glomeratione confusorum, nodo facto, mox non nisi rupturâ solvantur. At in simpliciter ductilibus nulla unquam confusio sequitur, eductis sibi invicem tubulis semper minoribus, sibi in omnes plagas æqualiter, & concavè, & convexè per innumerabiles duplicaturas insertis, donec nimia diductione, & nimia sequatur attenuation, & contingat ruptura. Nec mirum curquam hæc insertio videri debet, cum omnis ferè subtilis *accretio* fibratim per has duplicaturas, perque susceptionem intimam tubiformem potius, quam appositionem externam alimenti fiat. *Tensio* addit insertioni tubulorum, ut sint in eo latere, quo alium accipiunt, & coluli; in altero, quo alteri

inseruntur, aperti : Quo facto vicem præsta-
 bunt *embolorum* ad sensum infinitorum, nam
 etsi embolus hoc loco cavus & apertus sit,
 qua exhaurienti vas pneumaticum obverti-
 tur, sufficit tamen eum obfirmatum esse, qua
 parte opponitur vasi: diducta jam re, his
 tubulis instructa, necesse est eam difficul-
 tatem in diducendo proportionem sentiri, quæ
 sentitur in embolo extrahendo, dum aerem
 vasis pneumaticis exhaurimus; & remitte-
 rente vi diducentis rem tensam necesse est
 eadem vi se restituere, qua embolus inter
 extrahendum subito dimissus a vase resor-
 betur. Hæc tensionis in omnes embolos
 insensibiles sibi continuè insertos, inæquali-
 ter tamen, pro distantia, propagatæ, causa,
 nil clarius, nil facilius, nil hypothesi nostræ
 consentaneum magis. Et credibile est, in
 corporibus, ut vim circulariter diffusam a
 ruptis bullis, ita in longum latumve aut pro-
 fundum porrectam evenire a tubulis istis,
 seu embolis, (nam quilibet eorum ante-
 cedenti est tubulus, sequenti embolus)
 ultra quam status aeris ætherisvè circulatio
 fert, vel, ut diximus, eductis; vel etiam,
 ut illinc eductis, ita hinc intrusis, uti in ar-
 cubus, qui a concavitate ad convexitatem,
 vel contra flectuntur, fieri par est; ubi etiam
 humoris alicujus intra meatus jam interclu-
 sos illinc compressi, hinc dilatati, restituendi
 se conatus nonnunquam intercedere non po-
 test. Huc & *Larynx vitæ*, quibus familia sunt
 ab

ab erruditiſſimo Joh. Ottio Schafſhofano (qui cum doctiſſimo Henrico Sereta ſtudioꝝ ſocio duos nobiliſſimos ſenſus, ille viſum, hic auditum nuper illuſtravit) obſervata *filamenta vitri*; pertinent: de quibus cum tot extent hypotheſes, certum tamen eſt ad exhaustum vel diſtentum, id eſt circulationem ætheris, id eſt hypotheſin noſtram, omnes reduci. Hobbins eas ex arcubus tenſis componit, Voſſius vacuum vel quaſi vacuum intus eſſe ait, Honoratus Fabri ſpiritum quendam tenſum (inſtar funiculi Franciſci Lini) Huddenius aliique, compressionem præferunt: Hypotheſis noſtra non parvo veritatis indicio omnes conciliat. In arcu tenſo hinc compressio illinc diſtractione eſt: ubicunque aer diſtrahitur, æther colligitur. Cum ergo Lacryma calens aquæ immergitur extinguiturque; ignis, qui in omni re calefacta aerem diſcutit expellitque, contrariâ aquâ comprimitur, vel quod idem eſt, acido ignis ab alcali aquæ ſubito abſorpto, æther replendo loco attrahitur colligiturque in bullas illas ductuſque totum vitrum innumerabilibus cuniculis perforantes, coeuntes tamen omnes in apice, quo lacryma in aquam poſtremo intravit, quorū ſe ignis jam ab initio recipit, prorſus ut virgæ ferreæ uno extremo candente extincto alterum incaleſcit: omnes ergo cuniculi iſti quibus velut minis, ut vocant, totum vitri corpus ſuffoſum eſt, æthere, ſeu, ut alii

alii vocarent, vaeuo vel nihilo pleni sunt, instar vitri exhausti, instar xolipilæ in qua calore rarefactus expulsusque aer negato obturatione forminis post refrigerationem reddito, multum vacui, id est iusto plus ætheris collecti, intus reliquit. Hic vero nihil xolipilæ, subito refrigeratæ obturatæque exemplo congruentius. Aperto igitur apice, vel alia bulla cum cæteris omnibus communicante, ætherem collectum cum magna vi exire, ærem intrare, cuniculos autem omnes, quippe tam subtiles fragilesque rumpi, vitrum ergo in pulverem violenter dissilientem abire necesse est. Unde patet quoque cur frigore aucto, ut si nive sepeliatur, fortior, si ignis calore retractetur, debilior sit ruptura. Nam frigus, quod initio fecit, loci, (vasorum quippe, hoc loco, vitri, lateribus se contrahentibus & imminuentibus,) subitum incrementum, ergo locum aere vacuum, ergo ætheris collectionem, & pororum, quippe corpore contracto, obstructionem, auger. Igne novo impletur locus, minuitur æther, admittitur aer, pori aperiuntur: Patet ergo hoc quoque naturæ miraculum Elateri Ætheris deberi. *Motus sanguinis*, unde cæteræ functiones animales proficiscuntur (cor enim motum debet sanguini, non, ut Cartesius putabat, sanguis cordi) sine dubio à nitri cuiusdam aerei respiratione recepti reactione petendus est. Credibile enim est ut mare sale, ita aerem nitro quodam impregnatum

tum esse. Unde aer semel haustus nisi recentis misceatur, novo haustui est inutilis, idque & Drebelii experimento confirmatur, qui essentiam quandam aeris parabat, quæ acri etiam terpido & insalubri instillata, vivificam quandam refrigerationem confestim præstabat. Jam si *motus vitalis* à reactione est, erit ab Elatere, per superiora, Ergo ab Ætheris circulatione. Ab eadem esse Motum Oceani in tellure, analogum Sanguinis circulationi in corpore, supra dictum est: idem est de motu aeris, seu *vento*. Constat ventum aqua se lapsu dispergente fieri arte posse, idem credibile est naturam sæpe facere in montium cavernis; folles ventum faciunt compressione, eodem modo nubes gravidæ descensu suo elidunt aerem inter se & terram. Simplex quilibet motus in aere facit ventum, quia aerem ista comprimit, ac proinde loco replendo alium attrahit. Ignis facit ventum, & calor quivis, quia omne rarefaciens attrahit aliquid subtilius rarefacto, replendo loco exhausto, idque ex illo toties inculcato principio Elateris. Unde ignis aere indiget, non ad pabulum sed tuendum locum. Hinc statim venti intra Tropicos solem sequuntur, loca clausa, fornicata templa, cavernæ tempore frigido attrahunt aerem seu ventum, quia sunt aere ambiente calidiora: tempore ambientis calido, quia tunc frigida, remittunt. Hinc statim certorum locorum ac temporum Venti: addendæ in hoc negotio doctæ Poulletii

letii observationes. Vapores propriè sol
 non attrahit, & eorum ascensus non tam pen-
 det ex *principio* Elateris quàm gravitatis, nam
 quod ignis, fumus, vapor, ros majalis ovi
 putamine conclusus, succus in plantis sole e-
 vocante, adeoque sublimabilia aut distilla-
 bilia ascendunt, fit quia æthere interposito ita
 rarefiunt, ut fiant aere paris spatii leviora. Ipsa
 tamen dispoſitionis in igne vis Elastica pluri-
 mum confert, unde cum elevatio prohibita
 est, ut in distillatione per descensum, nihil-
 ominus calor distillabilia à se repellit, sed re-
 gulariter alias sursum, quia ipse calor seu
 ignis, quippe aere levior, ascensu suo ea abri-
 pit. Si ergo motus marium ac ventorum, va-
 porum, sanguinis fermentationes, reactiones,
 restitutiones, ab Elatere proficiſcuntur,
 quid ultra addemus? Nam ab eodem
 totam fere *Muscam*, & omnino magnam
 artis *Balistica*, magnam reliquæ mechanicæ
 partem pendere, satis hinc conjici potest.
 Certè *nervos* nil aliud, quam chordas tensas
 esse, credibile, quarum violenta adductio-
 ne, *musculi* utrinque contracti se levant
 & membra secum. Hinc tensionis expli-
 candæ causa ad *liquorem* quendam *nervorum*
 refugere nihil necesse est, cum in re tensâ
 pulsata conatus ad initium usque pertingat,
 quia & diductio ad quodlibet punctum sen-
 sibile pertinet. Utque tensa & *moventur tar-*
dus, & rumpuntur facilius humectata, aere,
 qui intus est, incrassato, ac præindè minus
 dila-

dilatabili ; ita idem in *somno* nervis evenit, ut sensio quasi obruatur. His jam in quolibet puncto sensibili, & versus quodlibet punctum sensibile, seu in quolibet angulo sensibili, & ita in corpore ad sensum continuè tendibili, suppositis tensionis & strictionis causis, demonstrari illa tam multa præclara theoremata Physico-Mathematica possunt, quæ & experienti & ratiocinanti in promptu sunt, atque in novam quandam partem Matheseos mixtæ, quam *Elasticam* appellare licebit, coire poterunt, de decremento motus, aut incremento potentia statum violentum rei inferentis, de incremento restitutionis ad incrementum motus gravium inverso, de *Vibrationibus isochronis*, de restitutionibus ejusdem etiam à diversa tensione isochronis, de *rupturæ* tempore & loco, de proportionem elateris ad gravitatem ; de lineis, quas datum punctum in restitutione describit, & in specie de tensione lineæ rectæ in chorda, curvæ in arcu, superficiei in tympano, solidi in vase ; quæque alia subtilissimi viri, Galilæus, Torricellius, Honoratus Fabri, Stenonis, Joh. Alphonsus Borellus, alique demonstraverunt, aut observaverunt. Atquæ hic admirari licet *praxin DEI* in œconomia rerum *Geometrisantia*. Etsi enim per naturam rerum impossibile sit, corpus aliquod totum lucere, perspicuum, fluidum, grave, molle, tendibile, flexibile, durum, calidum &c. Item motum continuum uniformem, uni-
for

formiter acceleratum vel diminutum, rectilineum, circularem, reflexum, refractum, permutatum, exactè esse; effectum magnetis, luminis & soni, ad quodlibet punctum assignabile pervenire, &c. Evenit tamen ut summa ad sensum ἀκριβεία hæc omnia, etsi non sint ita, tamen sensu esse videantur, & quantum ad usum nostrum perinde sit ac si essent; atque ita incredibili Dei beneficio, Optica, Musica, Statica Elastica, πλανητική, (seu de impetu & percussione) Myologia, seu de motu musculorum, imò & Pyrotechnica & Mechanica universa, & quidquid est mixtarum ex Physica Mathematicaque scientiarum, ad purarum invidiam usque, non fallentibus ad sensum (nisi per accidens) theorematibus extolli possint. Quod nisi motibus structurisque qualitatibus ac motuum sensibilibus causatricibus infra quodlibet punctum sensibile imminutis, & in quamlibet plagam sensibilem directis, inimitabili artificio, non poterat procurari.

60. Atque ita ostendimus etiam duri-
tiam, etiam tensorum restitutionem ab Atmosphæra gravitate & ætheris elatere peti posse. Unum prætereundum non est, ut ad principia chemica & bullas nostras redeamus, ab ipso Helmontio, Tachenio, aliisque præter acidum & alcali addi *Archæum* seu *Rectorem*, qui excitet duo illa naturæ instrumenta ad reactionem: & sanè sentimus mustum expressum non statim, sed ubi aliquamdiu quie-

quievit, sua sponte excitatum fermentare. Is
 verò Archæus nihil est aliud, quam æther
 interspersus; modus quo agit, nil aliud, quam
 universalis circulatio ætheris, qua & digestio
 rerum non nisi extrinseca excitatione *fer-*
mentantium promovetur, qua tum omnia,
 tum liquida potissimum, sunt in perpetuo in-
 testino motu, gravia subsidunt, heterogenea
 separantur, paries intergerinus phlegmatis
 ac terræ, alcali ab acido dividens perumpit-
 tur, actio sequitur. Adde supra §. 18. Is ta-
 men æther non putandus est omninò liber
 esse & dissolutus, cum vix quicquam tale sit
 in rebus, & in minimis atomis innumerabi-
 lium specierum varietas lateat; plerumque
 igitur erit & ipse collectus in bullas suas jam
 liquida, jam sicca forma velatas, id est, alcali
 ex sensibilibus volatilissimum seu mercuria-
 lissimum, perpetuis dispoſitionibus insensibi-
 libus activum (omnis enim bulla æthere
 quàm aere plenior est *alcali*, unde & in la-
 crymis vitri igne seu acido aquæ extinguen-
 tis alcali absumpto, magnum in vitro manet
 vacuum, seu alcali, seu ætheris collectio)
 hic est Helmontii Archæus. Tachenii Re-
 ctor, aliorum *spiritus mundi*, quidam tertium
principium mercuriale vocant, eique tribuunt
vim illam nobilissimam formatricem seu
plasticam, qualis in *seminibus*, in *sale commu-*
ni, & potissimum in *Mercurio*, modo sepa-
 rari possit; unde Mercurius in *amalgamate*
 cum metallis in illam elegantem excrescen-

tiam *arborescit*. Hic liquor æthereus, hoc sal cœleste, si capi possit Helmontio credimus, credibile est exercere tantas virtutes, quantas in suo *alcahest* seu *alcali* est, ille veneratur, de quo experientix iudicium esto. Quemadmodum etiam an huic *alcali volatilissimo* aliud *acidum volatilissimum*, seu mercurialissimum perfectione & virtute respondens, solum ei per reactionem figendo par, *calido innato* analogum, ut illud *humido radicali*; igni proportionale, ut *alcahest aquæ*; filius solis, ut illud lunæ; essentia *nitri* (nam etsi superficialia nitri constitutio alcalizata est, solent tamen interiora seu centralia exterioribus seu superficialiis contraria esse) ut illud *salis communis*, opponatur, adde supra §, 50. §. 53. Etsi enim possint in subtilitate, & virtute dari graduum progressus in infinitum, dantur tamen summi gradus sensibiles, ita ut quod ultra est, ne virtute quidem, ne dum formâ sensibili ad nos pertingat; in hoc ergo limite *Philosopho* pariter atque *Empirico* subsistendum.

CONCLUSIO.

Nunc hypotheseos meæ summam inibo: suppono *globorum* mundanorum *gyrationem* circa proprium axem, & unius *solis* in nostro *magno orbe* actionem *rectilineam* extra se, cæterorum non nisi quatenus lucem à sole reperiunt. Ex his motibus primi-
geniis

geniis deduco systema Copernicanum in mundo, & circulationem ætheris, cum luce in tellure & circa tellurem. Ex hac *motus maris, & ventorum*, verticitatem *magneticis*, ac denique, à quibus cætera non naturæ minus quam artis machinamenta pendent *Gravitatem & Elaterem*. Nam æther res densiores, quam fortissimo suo motui cuncta discutienti conveniat, cum potest, (ut quando consistunt ex cumulo tantum male unito eorum quæ non potest) *discutit*, hinc vis *Elastica* seu restitutoria non compressorum tantum, sed & per consequens dilatatorum, quia omnis dilatatio unius, est compressio alterius; cum non potest (quando vasis suis separata circulatione firmatis continentur) *dejici*, hinc gravitas. Speciatim ex motu recto à sole, & curvo à terrâ, oriuntur gyrationes certarum rerum globi nostri circa centrum particulare, seu *bullæ*, nonnunquam etiam annuli, tubuli, aliaque Vasa ad rem pertinentia, à quibus *consistentia* rerum & *specierum* varietas. Ex vasis plenitudine variantibus, circulatione ætheris accedente, oritur in rebus diversitas *gravitatis*: unde jam omnia Phænomena *ponderum*; item *Hydrostatica, Acrostatica*. Ex bullis ruptis, & in alias ætheris circulatione transfusis: item (salvo vase) ex Embolis attractis vel repulsis oritur *Vis Elastica* Aetheris, seu conatus se restituendi in gradum raritatis vel densitatis præsentis ætheris sphaeræ, & stru-

fluræ partium rei congruentem, unde *impetus*,
repercussiones, reflexiones, *refractiones*, Vibra-
 tiones, *Soni*, solutiones, *precipitationes*, fer-
 mentationes, *principia Chemicorum*, sympathiæ
Antipathia, attractiones, *motus musculorum*, vir-
 tus ignis, *pulveris pyrii*, Veneni, *tinctura*, si qua
 est; omnes omnino actiones vehementiores,
 quam pro mole agentis, & quicquid nobis *mi-
 raculorum naturalium*, physica extraordinaria
 monstrat. Atque hæc quidem hypothesis ita
 mihi varias aliorum hypotheses jungere in-
 ter se, & conciliare; ubi deficiunt, supplere;
 ubi subsistunt, provehere; ubi obscuræ sunt,
 & ἀπὸρροι, explicare, atque intelligibiles red-
 dere videtur, ut jam non tam de novâ qua-
 dam hypothesis generali, quàm particulari ac
 distincta applicatione ad phœnomena, magis
 magisque passim Conspirantium Eruditorum
 pariter & mechanicorum industria eruenda,
 atque in solidæ & feracis Philosophiæ ærari-
 um referenda, ac denique de translatione in-
 ventorum ad usum vitæ, augendamque poten-
 tiam & felicitatem generis humani, qui unus
 Philosophandi finis est, cogitandum esse vi-
 deatur. Sin minus, saltem à Conatu deline-
 andi tale aliquid, dissertationi, verbis illabo-
 ratæ ac proinde obscuriusculæ, ordine ut ap-
 paret, confusaneæ; (quod in primis tentamen-
 tis solet, quæ novis subinde memoriam sub-
 euntibus passim interpolata non satis cohæ-
 rent) si res ipsas spectes, parum, ut in tantâ
 tractandorum sylva, explicatæ, veniam spero.

FINIS.

THEORIA² MOTUS ABSTRACTI

Seu

Rationes Motuum uni-
versales, à sensu & Phæno-
menis independentes.

AUTORE G. G. L. L.



LONDINI,

Impensis J. Martyn, Regæ Societatis
Typographi, ad insigne Campanæ in Cœ-
meterio Divi Pauli, M.DC. LXXI.

D d 3

[2]
ALROENT
Illustri Academiae Re-
giae Francicae ad promoven-
da Mathematica, Physica,
Medica studia, & augenda
generis humani commoda
recens instituta.

Inter tot astra MAGNI REGIS vestri, Illa, fortunata,
illo spiritu digna, quo tanta potentiae moles sapienti-
ssime regitur; est cur non minima credam futura,
quae per vos gerit: Illa est de gentis humanae meriti,
quam de gente tantum sua: magnum est ditionem suam
ex culta celsissimam reddere, ex felice beatissimam jungere
maria foellis, & per Pyreneorum radices navigare, &
~~commercia Regni connectere,~~ & substituere Herculeo illi
Piratis infami aliud in substitutum; inuigere potentia
navali, & ad dei militaris apicem erigi; deestabilem
se Christianis reddere, Barbaris metuendum: sed majus
est naturam arti subicere, pomperia humanae potentiae
propagare, & debellare hostes illos invisibiles intestinos,
in quos nulla vis satis valida est. Quam saepe maximi
Heroes, qui decies centena hominum millia ad nutum
parata habuerunt, levi morbo ante diem succubuerunt? &
tamen fortasse vincendi ejus rationem anicula aliqua in
vicino neglecta abjectaque tenebat. Felices nos, & forte
corporis nostri domini essemus, si a decem retrò seculis
id actum esset, quod nunc agere coeptum est. Sed nun-
quam utilia sero inchoantur: posteritas saltem aetati
nostrae gratias agat, & inter sidera collocabit Principem,
cujus auspiciis naturae claustra perfringentur; cui gloriae
Christianissimum Regem insita vis altae mentis, institutio,
vires, opes, flos affluentium ingeniorum, & cetera quibus
Gallia orbem provocare potest, admovent. Si serio res,
si majore sollicitudine agatur, possumus ipsi vivendo attingere

gere fructum laborum temporis nostri. Neque enim mirum est unum vix seculo præstiturum, quod centum anno: cum etiam centum juncti centies acturi sint, quantum totidem sparsi. Sparsi incoherencia, imò pugnantia faciunt; plurima & faciliora sæpius quàm opus est, maximerum & potissimum nihil: miscentque inopiam superfluitati. Juncti non materiam tantum laboris sed & molestiam minuunt, condiuntque sibi difficultatem mutui applausus suavitate. Id Vos exemplo vestro docebitis inter primos: cum enim tantas res Auzuti, Bullialdi, Cassini, Hugenii, Pecqueti, Petiti, Robervallii, Thevenotii & tot alii gesserint; quid poterit collatis consiliis nisi magnum, nisi Vobis honorificum, gloriosum Regi, generi humano fructuosum expectari? Nec ominibus Vos, nec præconiis egetis: dudum hæc de Vobis sensit orbis, liceat tamen accedere me quoque publicæ voci. Cum enim esset mihi nuper ad Carcavium Vestrum, Virum fama & doctrina insignem, & ex flore egregiorum hominum, quibus Vos abundatis, ad Regiæ Bibliothecæ, hujusque ad eò ipsius Academiæ curam lectum, scribendi ab ipso met, qua est humanitate, interpunctio Ulmo Ferrando præbita occasio; malui schedam hanc utcumque exiguam & illaboratam adjicere, quàm omnino vacuis manibus venire. Argumentum certè Vobis dignum est: nam labyrinthum in primis continui & motus compositionibus ingenia plicantem evoluisse, plurimum refert ad constituenda scientiarum fundamenta, cunctandos Scepticorum triumphos; Geometriam Indivisibilem & Arithmeticam Infinitorum tot egregiorum hedrematum parentes in solido locandas; Hypothesin Physicam per omnia congruentem elaborandam, & quod maximum est, de intima Cogitationis natura, & Mentis perennitate, & Causa Primæ demonstrationes plane geometricas hætenus intactas impetrandas. Unde Boni quoque & Aequi, Jurisque ac Legum fontes ita clari ac limpidi ita simul & ambitu parvi, & recessibus profundi profuunt, ut pro magnis voluminibus esse, & solvendis omnibus casibus mirabili ad usum compendio sufficere possint: quale nihil, opinor, vulgò occurrit. Sed erit hic nobis alias professus labor. Cæterum ut ad præsentia redeamus, imperfectionem primi tentaminis lubens agnosco; spero

tamen nonnihil præstitum esse : indivisibilem naturam illustratam, cohesionis rationem nunc primum detectam ; physico-geometricam curvarum ex nieris rectis & omnis generis curvorum corporum ex solis rectilineis expolitam constructionem lentibus elaborandis fortasse profuturam ; Hypothesin allatam, unde omnia naturæ phenomena mechanicè explicari possint : quin & ostensum esse quæ sit materia illa magnetica, cujus circa terram motui ascribendam Verticitatem suspicatum nuper etiam ingeniosissimum Auzutum post Theoriam motus Concreti jam excusam, demum didici ; quanquam qualis illa sit, non explicuerit : quo detecto ad constantem de variatione magnetica Hypothesin, Longitudinesque perveniri posse, nec ipse Auzutus desperat : Denique si nihil aliud, cogitationum saltem non pœnitendarum semina sparsa esse. Eas aliquando, cum plus otii erit, feliciter fortasse persequar, & ad cæteros, labores boni publici causa susceptos persciendos animabor, si Vos, si Vestri similes faustis omnibus iniuria qualiacunque prosequuntur.

Theoria

Theoria Motus Abstracti.

Definitiones.



Orpus quod movetur vel contingit aliud vel non contingit : (1.) *contingit* si non datur spatium medium : contingens si movetur, vel prætervehitur vel impingit ; (2.) *prætervehitur* si continuato motu suo alterius nihil loco moveret ; sin aliquid moveret, (3.) *impellet*, & si alterum quoque movetur, *impinget*, sed tamen vocum harum promiscuus ferè usus est. (4.) *Toti impingit* quod continuato motu suo alterum totum loco pellit. (5.) *parti impingit*, si secus. Porro varie impingitur, vel ratione lineæ motus, vel termini. (6.) *Linea motus* est quam describit centrum moti, *Linea impactus* est quam describit centrum impingentis seu ejus de moto quod in excipientis locum successurum est. Unde interdum linea impactus à toto, potest esse recta, à parte, curva : quanquam, ubi distinctione opus non est, in sequentibus *linea motus* appellatione etiam pro *linea impactus* usus sum. (7.) *Mensura lineæ motus* est vel ipsa linea motus sibi ipsi, si recta est, vel, si obliqua est, recta facta ex obliqua retrorsum, extremo, quod prorsum vertitur,

immoto, extensâ. Linea motus impingentis vel comparatur ad lineam motus alterius vel ad centrum ejus. Si comparatur linea motus impingentis cum linea motus (8.) *Excipientis*, id est ejus in quod impingitur, tum vel lineæ motus impingentis & excipientis, junguntur extremis; vel extremum lineæ motus impingentis, tangit non extremum sed aliud punctum lineæ motus excipientis. Hoc casu impingens dicitur (9.) *Incurrere* in excipiens, & excipiens tantum *prætervehitur*. Illo casu utrumque est impingens & dicuntur (10.) *Concurrere*: coneursum est vel (11.) *Occursus*, quando mensura lineæ motus unius continuata cadet in latus adventus alterius, vel (12.) *Accursus*, quando id non contingit. *Occursus* est vel (13.) *rectus*, si mensura lineæ motus producta facit angulum rectum ad latus adventus alterius, seu coincidit cum mensura lineæ motus alterius, vel (14.) *Obliquus*, si secus. *Accursus* est vel (15.) *rectus*, si mensura lineæ motus est parrallela lateri adventus alterius; seu facit angulum rectum ad mensuram lineæ motus alterius; vel (16.) *obliquus*, si secus. (17.) *Latus adventus* seu à quo venit, est recta, ex qua (planum ex quo) mensura lineæ motus perpendiculariter exit versus impactum. Porro si comparatur linea motus impingentis ad centrum excipientis, *impactus* est vel (18.) *Centralis*, si linea motus impingentis producta incidit in centrum Corporis excipientis.

pientis, vel (19.) *excentricus*, si secus. (20.)
Radere dicitur, quod momento contactus
 totum contactum corpora loca pellere non
 conatur (sive id sit prætervehens sive impin-
 gens, sed eccentricè) denique si comparantur
 termini impingentis & excipientis, sunt vel
 utrinque superficies, vel ab alterâ parte
 punctum aut linea. (21.) *Unum corpus* con-
 stituunt partes, quæ sibi contigux aliquan-
 diu mansuræ sunt. (22.) *Cohærent* partes
 quarum una motâ movebuntur exteræ (23.)
Flexio est mutatio circa rectitudinem & cur-
 vitatem. (24.) *Facies* est omne extremum
 rei quo tangi potest ab alio in unam plagam,
 seu quod una recta totum abscindi potest.
 (25.) *Durities* est chohæsiō non superabilis
 parvo motu. (26.) *Figura simplex* est cujus
 quælibet facies una linea vel superficie clau-
 ditur. (27.) *Una linea vel superficies* est, quæ
 uno motu fieri potest. (28.) *Motus unus*
 est prior & posterior, si continuatio sponte
 facta est, seu per se, nullo licet extrinseco
 impulsu accedente. (29.) *Corpus rotiforme*
 est, quod potest moveri, ut locum suum
 non deserat, id est ut nulla parte sui in locum
 veniat, in quo non jam tum aliqua ejus pars
 fuerit, qualis motus est Orbium Cœlestium
 veteribus creditorum, qualemque solum in
 pleno existere necesse est.

Fundamenta prædemonstrabilia.

(1.) **D**atur æta partes in continuo, con-
 tra quam sentit accuratissimus Tho-
 mas

mas Anglus. (2.) *cæque infinita actu*, indefinitum enim Cartesii non in re est, sed cogitante. (3.) *Nullum est minimum in spatio aut corpore*, seu cujus magnitudo vel pars sit nulla; talis enim rei nec situs ullus est, cum quicquid alicubi situm est, simul à pluribus se non tangentibus tangi possit, ac proinde plures habeat facies; sed nec poni Minimum potest, quin sequatur tot esse totius, quot partis minima, quod implicat. (4.) *Dantur indivisibilia seu inextensa*, alioquin nec initium nec finis motus corporisve intelligi potest. Demonstratio hæc est: datur initium finisque spatii, corporis, motus, temporis alicujus: esto illud, cujus initium queritur, expositum linea *ab*, cujus punctum medium *c*, & medium inter *a* & *c* sit *d*, & inter *a* & *d* sit *e*, & ita porro: queratur initium finistrorsum, in latere *a*. Ajo, *a c* non esse initium, quia ei adimi potest *d c* salvo initio; nec *a d*, quia *e d* adimi potest, & ita porro; nihil ergo initium est, cui aliquid dextrorsum adimi potest. Cui nihil extensionis adimi potest, inextensum est; initium ergo corporis, spatii, motus, temporis (punctum nimirum, conatus, instans) aut nullum, quod absurdum, aut inextensum est, quod erat demonstrandum. (5.) *Punctum non est cujus pars nulla est*, nec cujus pars non consideratur, sed cujus *extensio nulla est*, seu cujus partes sunt indistantes, cujus magnitudo est inconsiderabilis

rabilis, inassignabilis, minor quàm quæ ratione, nisi infinita ad aliam sensibilem exponi possit, minor quàm quæ dari potest: atque hoc est fundamentum *Methodi Cavalierianæ*, quo ejus veritas evidenter demonstratur, ut cogitentur quædam, ut sic dicam, rudimenta seu initia linearum figurarumq; qualibet dabili minora. (6.) Quietis ad motum non est ratio quæ puncti ad spatium, sed quæ nullius ad unum. (7.) Motus est continuus, seu nullis quietulis interruptus. Nam (8.) ubi semul res quieverit, nisi nova motus causa accedat, semper quiescet. (9.) Contrà, quod semel movetur, quantum in ipso est, semper movetur eadem velocitate & plaga. (10.) Conatus est ad motum, ut punctum ad spatium, seu ut unum ad infinitum, est enim initium finisque motus. (11.) Unde *quicquid movetur*, quantumcunque debiliter, quantumcunque etiam sit obstaculum, *conatum per omnia obstantia in pleno propagabit* in infinitum, ac proinde omnibus aliis imprimet conatum suum: neque enim negari potest, quin pergere, etiam cum desinit, saltem conetur; ac proinde conetur, seu, quod idem est, incipiat obstantia quantacunque movere, etsi ab iis superetur. (12.) Possunt igitur *in eodem corpore simul esse plures conatus contrarii*. Nam si sit linea *a b*, & *c* tendat ab *a* ad *b*, contra *d* à *b* ad *a*, & concurrant; momento concursus, *c* conabitur ad *b*, etsi cogitetur desinere

nere, moveri, quia finis motus est conatus ; sed & conabitur retrò, si oppositum cogitur prævalere, incipiet enim retrò ire, sed etsi neutrum prævaleat, idem erit, quia conatus omnis propagatur per obstantia in infinitum, & ita utriusque in utrumque : & si æquali celeritate nihil agitur, nec duplicata seu majore quicquam agetur, quia bis nihil est nihil. (13.) *Utrum corporis moti punctum tempore conatus seu minore quam quod dari potest, est in pluribus locis seu punctis spatii, id est implebit partem spatii se majorem, vel majorem quam implet quiescens, aut tardius motum, aut conans in unam tantum plagam ; attamen & ipsam inassigabilem seu in puncto consistentem : quamquam puncti corporis, (vel puncti spatii quod implet quiescens) ea sit ratio ad punctum spatii quod implet motu, quæ est anguli contactus ad rectilineum, seu puncti ad lineam, (14.)* sed & omnino *quicquid movetur non est unquam in uno loco dum movetur, ne instanti quidem seu tempore minimo ; quia quod in tempore movetur, in instanti conatur, seu incipit desinitque moveri, id est locum mutare : nec refert dicere, quolibet tempore minore quam quod dari potest, conari, minimo verò esse in loco : non enim datur pars temporis minima, alioquin & spatii dabitur. Nam quod tempore absolvit lineam, tempore minore quam quod dari potest, absolvet lineam minorem quam quæ dari*

dari potest seu punctum; & tempore absolute minimo partem spatii absolute minimam, qualis nulla est per *fund.* 3. (15.) Contra, tempore impulsus, impactus, concursus, duo corporum extrema, seu puncta, se penetrant, seu sunt in eodem spatio puncto: cum enim concurrentium alterum in alterius locum conetur, incipiet in eo esse, id est, incipiet penetrare, vel uniri. Conatus enim est initium, penetratio unio; sunt igitur in initio unionis, seu eorum termini sunt unum, (16.) ergo corpora quae se premunt vel impellunt, cohererent: nam eorum termini unum sunt, jam *ὅτι τὰ ἐξ αὐτῶν ἐν*, ea continua seu coherencia sunt, etiam Aristotele definiente, quia si duo in uno loco sunt, alterum sine altero impelli non potest. (17.) Nullus conatus sine motu durat ultra momentum praeterquam in mentibus. Nam quod in momento est conatus, id in tempore motus corporis: hic aperitur porta prosecuturo ad veram corporis mentisque discriminationem; haec enim a nemine explicata. Omne enim corpus est mens momentanea, seu carens recordatione, quia conatum simul suum & alienum contrarium (duobus enim, actione & reactione, seu comparatione, ac proinde harmonia, ad sensum, & sine quibus sensus nullus est, voluptatem, vel dolorem, opus est) non retinet ultra momentum: ergo caret memoria, caret sensu actionum passionumque suarum, caret cogitatione. (18.)

(18.) *Punctum puncto, conatus conatu maior est, instans ve d' instanti æquale*, unde tempus exponitur motu uniformi in lineâ eadem, quanquam non desint instanti partes suæ, sed indistantes (ut anguli in puncto) quas Scholastici, nescio an Euclidis exemplo, vocant *signa*; ut in iis apparet, quæ sunt simul tempore, sed non simul natura, quia alterum alterius causa est: item in motu accelerato, qui cum quolibet instanti, atque ita statim ab initio crescat, crescere autem supponat prius & posterius; necesse est eo casu in instanti dato signum unum alio prius esse, et si citra distantiam seu extensionem; adde *probl. 24. 25.* Conatum inæqualitatem nemo facile negaverit, sed inde sequitur inæqualitas punctorum. Conatum conatu majorem esse, seu corpus, quod celerius alio movetur, jam ab initio plus spatii absolvere, patet: nam si initio tantundem absolvit, semper tantundem absolvit, quia motus ut incipit, ita pergit, nisi sit causa extrinseca mutans *per fund. 9.* sed & si initia æqualia sunt, etiam fines æquales sunt, ergo momento concursus tantum aget velox in tardum, quantum tardum in velox, quod est absurdum: sunt ergo inæquales. Ergo instanti dato fortior plus spatii absolvit quam tardior, sed quilibet conatus non potest percurrere uno instanti plus quam punctum, seu partem spatii minorem, quam quæ exponi potest; alioquin

in tempore percurreret lineam infinitam: est ergo punctum puncto majus. Unde arcus inassignabilis circuli majoris major est quam minoris: & linea quolibet, ducta à centro ad circumferentiam, circulo commensurabilis, seu circumductione sua circuli genitrix, est *sector minimus* perpetuo crescens, sed intra inextensionem. Hinc & difficultates de duabus *rotis concentricis* super plani rectâ gyratis, de *incommensurabilibus*, de *angulo contactus*, & tot alia solvuntur, ad quæ explicanda eloquentissimus *Belinus* omnes totius orbis Philosophos provocaverat, & quibus *Sceptici* maxime triumphant. *Angulus* est quantitas puncti concursus, seu portio circuli minoris quàm qui assignari potest, id est *centri*: tota de *Angulis* doctrina est de quantitativibus *Inextensorum*. *Arcus* minor quam qui dari potest, utique *ebordâ* suâ major est, quanquam hæc quoque sit minor quam quæ exponi potest, seu consistat in puncto. At ita, inquires, *Polygonum infinitangulum* non erit circulo æquale: respondeo, non esse æqualis magnitudinis, etsi sit æqualis extensionis: differentia enim minor est quàm ut ullo numero exprimi possit. Unde ex definitione Euclidis; *punctum* est cujus pars nulla est, nullus error irrepere potuit demonstrationibus de *Extensione* [ut quidem profundissimo alioquin *Hobbius* videbatur, qui ex eo capite 47. Imi. Canonem finium, & quicquid quadraturæ suæ

flux obstat, in dubium vocat, quod á tanto Viro inexpectatum nunquam sine admiratione legi] modo intelligatur pars extensionis, seu pars distans ab alia parte. Certè, si arcus & chorda inassignabiles coincidunt, idem erit conatus in recta, qui in arcu: conatus enim est in arcu aut recta inassignabili. Jam si conatus idem est, etiam motus in recta & arcu, id est, motus circularis & rectus [quia qualis motus cœpit continuatur, seu qualis conatus talis motus] idem erit, quod est absurdum. (19.)

Si duo conatus simul sunt servabiles, componuntur in unum, motu utroque servato: ut in sphaera super recta plani gyrata patet, ubi motus puncti alicujus, in superficie designati, ex recto & circulari, per minimam seu per conatus mixtos, componitur in Cycloidem; adde de spirali th. 7. & 12. Meretur hoc argumentum diligentius tractari á Geometris, ut appareat, quarum linearum conatus quibus mixti, quas lineas novas producant, unde multa fortasse nova Theoremata Geometrica demonstrari poterunt. (10.)

Corpus quod movetur, sine diminutione motus sui imprimit alteri id quod alterum recipere potest salvo motu priore, hinc *theor. 5. 6. (21.)* si quid non simul omnia agere potest, & par omnium causa est, & tertium nullum est, nihil agit. Hinc causa quietis *ib. 11. 12. (22.)* si conatus incomponibiles sunt inæquales, sibi adimuntur, serva-

vata plagâ fortioris *theor.* 1. 2. 3. quia duo
 conatus sibi adimi possunt, est enim minor
 æqualis parti majoris: quamdiu igitur res
 exitum reperit parte alterutrus, non est cur
 tertium eligatur (23.) si conatus incom-
 ponibiles sunt æquales, plagâ mutuo dece-
 ditur, seu tertia intermedia, si qua dari
 potest, eligitur, servata conatus celeritate
theor. 7. 8. 9. 10. hic est velut apex ratio-
 nalitatis in motu, cum non sola subtractio-
 ne brutâ æqualium, sed & electione tertii
 propioris, mirâ quâdam, sed necessaria pru-
 dentiz specio res conficiatur; quod non
 facile aliquando in totâ Geometria aut pho-
 tonomica occurrit; cum ergo cætera omnia
 pendeant ex principio illo, totum esse mar-
 gine pateret, quæque alia sola additione & sub-
 tractione absolvenda Euclides præhxit ele-
 mentis; hoc unum cum *fundam.* 20. pen-
 det ex nobilissimo illo (24.) *Nihil est sine*
ratione, cujus consecutaria sunt, quam mini-
 mum mutandum, inter contraria medium
 eligendum, quidvis uni addendum, ne quid
 alterutri adimatur; multaque alia quæ in
scientiâ quoque civili dominantur.

Theoremata.

1. **S**I corpus impingit in aliud quiescens,
 vel tardius directè occurrens, vel tar-
 dius antecedens, secum *abripit* (id est mo-
 vet in eandem plagam) differentiâ cele-
 ritatum. 2. Si incurrens centraliter, mo-
 vetur tardius prætervehente; prætervehens
 secum

secum abripit incurrens differentiâ celeritatum. 3. Sin incurrens & in genere impingens centraliter movetur celerius excipiente, impingens abripit totum excipiens differentia celeritatum. 4. Sin moventur æquivelociter incurrens & prætervehens, ambo movebuntur perinde ut concurrentia æquivelocia angulum facientia, de quibus mox *th.* 7. 5. Si tamen prætervehens & omnino excipiens movetur circa proprium axem, [sive tardius, sive celerius,] simul & impingens & excipiens, & retinebit motum suum & accipiet motum alterius. 6. Impingens eccentricè [sive celerius sive tardius] in corpus cohærens quâ cohæret, & continuabit motum suum, & excipienti priorem relinquet, & eidem motum circa proprium axem motui impactus in loco impactus æquivelocenti addet. 7. Si duo corpora concurrent æquivelociter, [vel etiam alterum incurrit, alterum prætervehitur, *vid. Theorema. 4.*] & fit angulus [quod semper fit in accursu, nunquam in occursu recto] isque est *besectilis*; duo corpora simul movebuntur rectâ [nisi motus unius sit uniformis, alterius acceleratus, quo casu oriri parabolas aliaque linearum genera, Hobbio visum est, de quo alibi] angulum concursus [vel incursus] extrorsum bisecante [nisi duo conatus sibi mutuo addi possint, ut rectus circularisque in spiralem, servata singulorum celeritate *vid. fund. 19.*] celeritate vero priore. 8. Hinc sequitur angulum incident-

dentia & reflectionis non esse semper æquales, sed in nostro casu [ubi utrumque concurrentium est mutuò incidens, utrumque compositum in unum reflectens] *angulum incidentia & reflexionis rectilineum, uter minor est, esse alterius duplo supplementum ad rectum.* Causa æqualitatis in corporibus sensibilibus reddita est in *theoria motus concreti* §. 22. 9. Hinc sequitur solum angulum incidentia rectilineum 30. graduum habere angulum reflexionis æqualem secundum abstractas motus Leges. 10. incidentia & reflexio non æstimanda à superficie, in quam inciditur; sed à linea recta per punctum concursus transeunte, ad mensuram lineæ motus; excipientis perpendiculari, ad latus adventus ejus parallela. 11. sequitur etiam ex *theor.* 4. si duo concurrant æquivelociter, arcibus similium & æqualium curvilinearum; utrumque recta perrecturum esse. 11. Si non detur angulus, qui sit bisectilis [non datur autem angulus omnino, in occurso recto, non datur angulus bisectilis in alio impactu, si impingitur linea motus recta & curva; vel curva & curva figuræ dissimilis aut inæqualis] & *impactus æquivelox est; utrumque quiescet* [nisi scilicet non opus sit bisectione, ut in concursu æquabilis & accelerati, aut acceleratorum difformium; vel omnino non sit opus anguli sectione, ut in casu conatum componibilem, *vide. the. 7.*] *impingens & in quod impactam est, quatenus*
im-

impactum est. 13. Partes quibus non impactum
 est, cessante cohesione pergent, qua possunt,
 & sequetur divisio, unio & transformatio.
 14. Sin datur angulus, sed non bisecabilis,
 ambo quiescent [cum limitatione tamen *ih.*
ii.] 15. Ex naturæ corporeæ viribus nulla da-
 tur *flexio* exactè geometrica seu per minima.
 16. Nec corpus durissimum, quia nec motus
 celerrimus. 17. Dux aliquæ contiguæ cor-
 poris partes *coherent* tum demum sibi si se
 premunt, seu si is est corporis motus, ut
 una alteram impellat, id est in alterius lo-
 cum sit successura. Hoc est principium
 omnis cohesionis in rebus hactenus non tra-
 ditum, Propositio hæc est conversa *funda-*
menti 15. 18. Unumquodque illud tantum
 impellit seu in illud impingit, in cujus lo-
 cum veniret ipso non præsentem, & quid-
 quid illi coheret. 19. Nulla est corporis
 cohesio simul in tota facie eodem tempo-
 re. 20. Quiescentis nulla est cohesio.
 21. Corpus discontiguum plus resistit con-
 tigo. 22. Si non datur *vacuum*, nullus
 quoque motus rectilineus, alijsve in se
 non rediens [v. g. *Spiralis*] dabitur. Hinc
 multa motus in pleno mira consectaria de-
 duci possunt. 23. In corpore contiguo ni-
 hil refert quanta sit *longitudo* (seu extensio
 secundum lineam motus.) 24. In corpo-
 re coherente seu continuo nihil interest
 etiam quanta sit *latitudo* (seu extensio se-
 cundum perpendicularem ad lineam motus)
 scilicet

scilicet corpus unum quantumcunque longum à quantumcunque brevi, corpus continuum quantumcunque latum à quantumcunque arcto, perinde ac si quantumvis minus esset, quantulocunque motus excessu impelli potest.

Problema Generale.

Omnes possibiles lineas, figuras, corpora, & motus secundum omnes lineas, Physice construere meris motibus rectis inter se æqualibus, item meris motibus curvis cujuscunque generis, adhibitis corporibus quibuscunque. Triplex constructio est, Geometrica, id est imaginaria, sed exacta; Mechanica, id est realis, sed non exacta; & Physica id est realis & exacta: Geometrica continet modos quibus corpora constitui possunt, licet sæpè à solo DEO, dummodo scilicet non implicare intelligantur, ut si circulus fiat flexione rectæ per minima; Mechanica nostros, Physica eos quibus natura res efficere potest, id est quos corpora producant seipsis.

Problemata Specialia.

Problema 1. In omni corpore dato efficere *cohesionem*, id fiet per *th.* 17. 2. In omni corpore dato efficere *dursiorem*, id fiet *cohesionem* magna, per *def.* 26. producta
per

per *probl. 1. 3.* In omni corpore dato efficere *flexionem*, hoc problema accuratè & geometricè ita ut flexio fiat per minima extensionis, ex natura corporum solvi non potest. 4. In omni corpore quiescente efficere *motum*, id fiet per *the. 1. 5.* Ex meris motibus efficere quietem, id fiet per *th. 11.* Modus hic est per naturam rerum longè difficilior, quàm modus faciendi motum, tantum abest, ut mota magis magisque per se tendant ad quietem, ut quibusdam, qui sensu ducuntur, persuasum est 6. Ex meris motibus rectis facere *motum circularem*, id fiet per *th. 6. & 15.* 7. Ex meris motibus curvilineis cujuscunque generis æqualis & similis figuræ inter se, efficere *motum rectum*, id fiet per *th. 7.* De *parabolico & spirali* vide. *th. 7. & 12.* 8. Ex meris motibus æqualibus efficere *motum tardiozem*. Fiat motus circularis per *probl. 6.* in corpore solido seu cohærente per *probl. 1.* pars quælibet centro vicinior tardius movebitur extremitate. 9. Ex meris motibus æqualibus efficere *motum celeriozem*. Fiat corpus oblongum cohærens quantum satis est per *probl. 1.* id gyretur circa axem longitudini non coincidentem, incurfu facto eccentrico per *th. 6.* Ergo pars à centro remotior, ipsa minimum extremitas, celerius movebitur. 10. Corpus motum *retroagere* id fiet per *th. 1.* effecto motu celeriore per *probl. 9.*
11. Reper-

11. *Repercussionem mutuam* efficere, id fiet si ambo ferantur à liquido quodam discontiguo propter *th. 21.* ita subtili, ut plurimum alterius per alterius poros mutuò, non obstante occurso progrediatur; tunc enim etiam in corpus oppositum impetum mutuo transferent, unde non tantum repercussio, sed & viarum, & celeritatum permutatio orietur. Talis subtilitas est in luce radiis diversorum lucidorum per unum foramen sine confusione transeuntibus, & in sono, & meridianis magneticis in eodem polo, inoffenso motu, se intersectantibus: & generatim in AETHERE, per Hypotheses nostras, cujus cum motu potius quam *suo* corpora sensibilia ferantur, habebunt ab hoc *sub. i. i portitore* motuum divariationem Hugeniowrennianam; motus indestruibilitatem (nisi quatenus dispersione fit insensibilior) Cartesianam; Elaterem, reflexionis refractionisque leges, motum circularem simplicem Hobbianum, cohaesionem, duritiem bullas, (velut proprium quendam mundulum propriam atmosphæram, proprios polos & magnetismos, & electricismos, propriam lucem) pleraq; gravitatem; gravia descendencia accelerationem, pendula vibrationem; projecta motus impressi, sublato licet motore, retentionem; Chemici principia, Mechanici potentias, Physici Phænomena omnia globi nostri. De quo pluribus in *Theoria motus concreti*. Potest ergo assumpto solo *Aethere* Theoria motus concreti derivari

E vari

vari ex theoria motus abraçti; & solvi hoc problema generale, *Omnes motus sensibiles explicare*. Sed pergamus. 12. *Detorsionem* efficere, id fiet per *th.* 17. 13. *Permutationem viarum* inter impingentia efficere, id fiet constructione *probl.* 11. 14. *corpora unire*, id fiet omni abreptione & quiete, seu omni contiguitate permanente, vid. *def.* 22. per *th.* 1. 2. 3. 4. 5. 7. 11. 13. 15. Ex multis corporibus efficere *unum simplex* vid. *def.* 27. id fiet per *th.* 13. omissis scilicet partibus, in quas non impingitur, id est incoherentibus, id est non uno motu unitis. 16. *Divisionem* dati corporis efficere motu quantulocunque. Cum corpus quodlibet sit alicubi non cohzrens per *th.* 19. Eatenus impellatur, ergo impelletur pars alia quadam non impulsæ per *th.* 18. Impulsæ autem abripietur, per *th.* 1. non impulsæ non abripietur, ergo divisio partium facta est. Adde *th.* 13. ubi divisio fit, sed non motu quantulocunque. 17. Ex meris corporibus rectilineis efficere *Cylindrum*: sit columnare rectilineum motum circa proprium axem per *probl.* 6. dum gyratur, irrumpat simul progressu suo, (simul enim & progredi & gyrari potest *th.* 5. & 6.) in materiam mollem seu quiescentem (& ideò per *th.* 20. incohzrentem) aut saltem tardius motam. Circumgyratione igitur sua tantum abscindet à materia molli, in quam irrumpit, ut integrum absolvat cylindrum. Atque ita cum in uno latere materiam mollem ingressum

gressum fit columnare rectilineum; *Cylinder* egredietur. Quod erat Faciendum. 18. Ex meris rectilineis efficere *Conum*, gyretur pyramidis rectangularis circa suam altitudinem intra materiam mollem eadem methodo qua factus est cylinder, *probl. 17.* 19. Ex rectilineis & Cono (cylindro) efficere *Spharam*. Sit Conus (cylinder) latior quam altior, is gyretur circa latitudinem seu diametrum baseos (medii circuli ad basin paralleli) intra materiam mollem eadem methodo quâ factus est cylinder *Probl. 17.* 20. Corpora sectionum conicarum, & omnino *data* cujuscunque *figurae corpus* efficere: Fiat corpus latius quam altius, cujus basis fit *data figura*, coniforme vel cylindricum; id est nullibi latius quam in basi: id gyretur intra materiam mollem, methodo dicta *Probl. 19.* Ex hoc principio pro re nata variato lentium & speculorum secundum Conicas sectiones formatorum tantis studiis quæsitam elaborationem derivari rationis est, qua de re cogitata nostra alio loco exponemus. 21. Dato motu *figuram* efficere, id fiet, si ille motus fiat intra materiam mollem methodo dictâ. 22. Dato corpore *figuram* efficere, hoc problema non indiget multa constructione; quia dato corpore vel secto, figura respondens, quippe terminus ejus, *data est*, v. g. *data sphaera datur Circulus*, dato Cono *Ellipsis sola sectione*: 23. *Data Figura Motum* efficere. Hoc videtur

detur effici posse si mobile ita intra crenant
 cohærentem, datæ figuræ (sectione factam)
 arctatum sit, ut impulsus aliam viam quàm
 per crenam non inveniat. Ita enim eliger
 potius motum in figura crenæ, id est in figu-
 ra data, quàm ut omnia quiescant, (*per fund.*
 20. 23.) 24. Datum motum continuè *acce-*
lerare. 25. Eundem *retardare*; in ratione
 data. Hoc puto fieri posse, si in diversis
signis ejusdem instantis (vid. *fund.* 18.) di-
 versi conatus eidem corpori imprimantur. Si
 prior est celerior, retardabitur, si poste-
 rior, accelerabitur motus in ea ratione quæ
 est celeritatis prioris ad posteriorem. Sed
 etsi plures sint impressiones, etsi celerior
 tardioribus interponatur, vel contra; con-
 tinua multiplicatione ob accelerationem, di-
 visione ob retardationem exitum res reperiet.
 Fateor tamen tria hæc postrema problemata
 nondum à me satis expensa, exactève con-
 structa esse.

U S U S.

Etsi hæc aliave solvi non possent ex
 abstractis motus rationibus in corporibus
 absolutè consideratis; in sensibilibus tamen,
 assumpto saltem *Aethere* insensibili, facile
 explicari potest qua ratione efficiatur ut
 nullus error sensibilis rationes nostrastur-
 bet, quod phenomenon sufficit. Nimirum
 longè aliter Natura (quatenus sensibilis est,
 nam alioquin interioribus ejus figuras ac-
 cura-

curatas ex abstractis motus legibus secundum problemata præmissa construi, qualem constructionem *Physicam* voco, non possibile tantum, sed & necessarium est) & ars hæc problemata solvit, quàm Geometra; mechanicè scilicet, motibus non continuis, sed revera interruptis; uti Geometræ describunt quadratricem per puncta, & Archimedes quadrat Circulum per Polygona, spreto errore nihil phænomena turbaturo. Sensus enim dijudicare non potest, corpus aliquod unum continuum contiguumve sit, an multorum discontiguorum hiantium accervus; partes omnio quiescant; an motu insensibili in se redeant; angulus concursus sit parum obliquus, an exactè rectus; contactus in puncto fiat, vel linea superficiève; celeritas quanta, curvitas vera, an exactâ fractâ ementita: quibus variatis, patet ex Theoria nostra & motus variari. Sed quid refert, inquires, si nihil phænomena variantur? cui bono hæc contemplatio suscipitur, de eventis figurarum motuumque exactorum, si nulli tales unquam tractandi offerantur? An Angelis, quibus cum subtilioribus corporum fortasse negotium est, artem Mechanicam scribimus? Nolo respondere etiam Mechanicis nonnunquam majore solito exactitudine opus esse, ut in lentibus elaborandis sectionum Conicarum, quia etsi majore non tamen summâ: neque ad Geometras provocare.

care licet, quia his ipsis obijciunt quidam frustra quadraturam circuli & tot alia quæri, quæ etiam inventa nihil levamenti rebus humanis sint allatura; quando exactiores jam tum proportionēs Mechanicas habeamus, quam quas instrumentis assequi liceat: nec voluptatem maximam prædicabo, quā detecta quædam nova rerum harmonia mentes huic Musicæ assuetas afficit, (ut adeò is saltem huic doctrinæ generi inter artes mentales locus sit relinquendus, qui pictoribus, Poetis, Musicis, adde & Appiciis & arbitris voluptatum Petroniis inter corporales) quia nisi expertis persuaderi non potest rerum, ut ipsis videtur, tam steriliū aridarumque suavitas. Sed etsi ostendam maximas de finito & infinito, de vacuo & pleno, de compositione Continui, de motu aut statione terræ, controversias; non nisi abstractis motus rationibus probe cognitis, definiri posse, non erunt hæc, opinor, tanti apud hos censors. Quid ergo? nisi ut ultima experiamur, ostendamusque aliquando ad solidas de D E O & Mente demonstrationes, confirmandaque maxima fidei mysteria (cui negotio ego, si quis unquam, summa animi contentione incubui, nihilque ferè aliorum inexcussum, nihil de meo intentatum reliqui) non aliter ascendere posse. Hæc qui nihili faciunt, magna, fateor, scientiarum parte careere possunt. Ita enim jure divino
huma

humanóque, & quicquid his in Philosophia gradum struit, abolitis, historiá etiam vetere, cujus potissimus apud prudentes usus est, veritati religionis testimonium perhibere, nisi cum ad pompam adhibetur, neglectá; restabunt his hominibus artes tantum dux, una quam diutissime jucundissiméque vitam agendi, altera alios quam dexterrimè in usum suum circumagendi; hæc Politica, illa Medica: cætera aut contemnunt publicè, aut, cum non nisi in speciem didicerint, intus rident: Sed quam tutò, viderint ipsi. Ego ad eos redeo, quibus talia non omnia aspernanda videntur, Qui fortasse mecum agnoscent, Partem Phoronomicæ Elementalem, abstractam, merè rationalem, alia enim est mechanica & experimentalis (vel *simplex*, solis observationibus constans; vel consequentiis observationum, abstractarum regularum complicatione structis, *mista*) nuspiam hætenus, quod quidem increbuerit, demonstratam extare. *Cohæsionis*, qualitatis tam obviæ, rationem reddidit nemo: quid prodest ramos, hamos, uncos, annulos, aliaq; corporum implicamenta comminisci, cum opus futurum sit hamis hamorum in infinitum; Ullas verè *Curvas* in rerum natura esse, negavere multi, nominabo tantum qui nunc occurrunt: Lubinum, Bassonem, Regium, Bonartem, & quem parum abest, quin addam, Hobbium,

Con-

Contrarium quis demonstravit, quis motum aliquem explicuit, ex quo Physicè, id est geometricè simul & realiter generetur circulus? non satis est dicere, generari circulum circumductione rectæ circa extremum alterum immotum, nisi explicetur quomodo extremum constitui possit immotum; quomodo dari circumducens, quod non jam tum circulariter moveatur: aliequin in hoc ipso rediret quæstio, quomodo & ipsius motus circularis sit generatus. Id ergo explicatum est meris rectilineis *probl. 6.* componi tamen plures conatus rectilineos conservatos in unum curvilineum, nondum satis deprehendere potui. Hoc si assecutus fuero, concedam nonnulla quæ negavi: motum rotationis circa corporis axem extra se agere; sola solis rotatione, sine partium emissione, posse lucem caloremque, seu motum ætheris produci, & cæteros circa eum globos gyrari; denique posse sine *vacuo* naturæ phænomena explicari. Sed hæc etsi concessa, nihil in summa detrahent Hypothesi nostræ. Interim ex his apparet quantum tenebrarum in natura motus à Philosophis sit relictum. Differentiam *Celeritatis* in motibus *Aristoteles* derivat à resistantia mediæ, prius à posteriore; nam actio est prior reactione, actio autem sine quantitate actionis, seu motus sine gradu celeritatis, ne incipere quidem intelligi potest. Si *Cartesium*, Virum utique

que incomparabilem, per omnia sequimur; quies potentior motu erit, nihil nempe unitate: negat enim quiescens quanto cunq̃ue motu impelli posse. Eruditissimi *Gassendi* sententia facit ut duo corpora semel contigua nulla unquam vi divelli possint: Atomorum enim suarum duritiem derivat à defectu vacui intercedentis, jam omnia contigua sunt sine vacuo intercedente. *Hobbius* tollit mentes incorporeas, tollit indivisibilia vera, atque ex eo principio in dubium revocat inventum Pythagoræ hecatombi dignum, 47. Imi Euclidis; fundamentum geometriæ: negat radicem quadrati, seu ut ego vocare soleo, numerum quadratillo-
rum, de quo alibi. coincidere numero partium lateris, fundamentum non Algebræ tantum, sed & Geodæsiæ, multaque alia de motu tradit parum demonstrata: Quam cæteroquin nihil laudi ejus Viri, cujus profunditatem maximi facio, detractum velim. *Galileus* & *Honoratus Fabri* prudenter phoronomiam Experimentalem ratiocinationibus excoluere. *Jungii* inedita, *Wallisi* edita audiavi tantum, Demonstrationes ergo *Phoronomiæ Elementalis*, quod ego sciam, extant nullæ, quæ tamen per se separatæ scientiæ pensum implere possunt. *Experimentalis* & *Mechanica* rationes physicas reapse in mundo existentes fortasse non paucas reddidimus primi: hypothesis certè allata est, qua nescio an facile cogitari

tati possit clarius simpliciorque : Spero etiam
 posse aliquando nonnihil afferri, quod præ-
 senti usu oculis incurrat. Quod superest,
 testor nullum pene eorum, quos hoc loco no-
 minavi, etiam à quo me discedere professus
 sum, esse, quem non magni faciam : certè
 plerisque immortalitatem à posteritate, sta-
 tuas à Republica, Panegyricos à nobis deberi
 arbitror. Sed non omnia unus videt : etiam
 in cogitationibus quædam fortuna est, quæ
 alia aliis, ac sæpe mediocribus nonnulla
 offert. Errasse mihi, in tanta alioquin mul-
 titudine cogitandorum, nullum, spero, de-
 decus erit : suffecerit pauca & rectè & novè
 dicta Viris candidis doctisque videri; cætera,
 etiam eum improbantur, excusari.

FINIS.



